



說學齋稿

麗陽神廟碑

州路總管府照磨搭蒼林君傳謁選京師以其鄉父老之意請著刻諸麗陽神廟麗姓之碑按林君所述曰處之鎮曰搭蒼廟山其最尊也距城北十里郡乘云其先白塔廟不知所始相傳嘗有浮圖在其上唐太中年刺史徐鄴禱雨廟下隨應乃易其額曰麗陽以麗水經其南故也後八年錄事參軍姜肅攝州事度地故址之西新其祠宇而斥大之中祠麗陽北山之神左白塔司土之神右巨

臨川危

素太樸著



潭北沼之龍神三神合享一祠民有水旱疾癘螟蝗盜賊
兵革必禱焉其孚格如響北山之神曰靈顯廟宋元豐三
年肇封凡十有二初封普利侯次博濟公次四封廣祐順
澤昭應善應王次二改封廣佑敷澤靈濟顯聖王又四改
封仁文神武正福忠聖王巨潭神曰施普廟六十有二封
初四封淵應昭惠靈順康濟侯次三封孚澤顯應靈佑
四封昭惠靈應仁烈孚佑王白塔神曰顯佑廟凡八封
初四封 孚濟宣惠助順侯次二封宣惠廣佑公又二
封英顯廣利王神 及子婦佐屬皆疏爵號通侯小君
靈應之蹟班班可考其尤著者宋時應進士舉者禱夢于

神窮達得失莫不先知有應夢錄傳于世咸淳中郡饑適
吳商載米數十艘相時射利未知所適遇一士乘舟海上
衣冠偉甚謂吾處人麗其姓將盡糴舟中粟願趨吾郡商
許諾一夕大風經至甌港民無轉徙之患商物色知神所
為致祭而去我師取潮東既內附或震以遷卜於神戒勿
動至元十四年招討張侯初鎮守也屯戍尚少章焱季文
龍披淮軍為亂陳於城東州人大恐會萬戶帥師遠來至
麗水縣境晝霧四塞既止舍俄一老父指之曰城圍甚急
招討遣千戶來求援乘其所不料此奇計也萬戶即起營
千戶前導繇徑路窺其圍疾軍大亂既定萬戶問所遣千

戶何在趙侯曰萬戶來且不知千戶非吾遣也或曰得非麗陽神之所乎及詣祠見佐神額象衣色類所見千戶迫視之汗猶浹背其著多類此云國家詔守吏致祭名山大川之在祀典者大德五年主上其事請祀神從之延祐二年請加封于是靈顯廟易正福為廣曰仁文神武廣祐忠聖王神父廣福公加廣福垂裕公母慈惠協應顯慶助佑夫人易封聖善慈惠顯應助佑夫人妻助正妃加封中助正妃子協佑助順廣惠侯易封紹靈協佑廣惠侯子婦協慶夫人加助忠協慶夫人施普廟昭惠靈應仁烈孚佑王易封昭德靈惠仁烈孚佑王顯佑廟英顯廣利

王加協忠英顯廣利王佐神拜侯助靈顯佑協惠輔正侯進爵為公命書焜煌神人悅豫士民之祈報者無虛日余嘗以事道出麗陽觀乎榕蒼之山鴻蒙旁薄縣日數百里為一郡之望其出雲雨見恠物禦畜捍患實應祀典我國家事神治人蓋有成法惟麗陽之神貌在東越而罷責優渥神貺益昭示於乎盛哉余不佞備官詞林謹述其事而為之銘銘曰

聖王制禮秩祀有常名山大川神恠攸藏維榕之山望臨一郡靈秀攸鍾允作雄鎮報功司土龍見而雩三神合食樂康以娛在昔勝國著奇蹟通侯小君封爵共奕皇

受天命用兵越邦蠢爾冥頑負
降晝霧晦昏若有神
告彼潰倒戈摧拉凶暴載錫褒謚守臣
高益宗繇
我聖元神眷此方田有黍稷藹氣廓清兵禳滅息
終
古唯人是依醴酒既潔牲牢脂肥水孕精金山蔭高木伐
鼓吹簫惠爾多福肅肅靈旗御龍來娛一天子萬壽秩禮
孔時史氏著銘爰刻貞石頌厥成功昭示無極

顯濟謝公祠記

山倪君鉦述其邑之神謝公事以授素俾為文刻諸祠
中以著其靈蹟其言曰公姓謝氏諱公實父母事元武之
神甚謹宋嘉祐二年八月
公始生金光奕奕遠其床

榻既蚤孤事母董至孝尤謹奉神一夕夢神剖其腹易肺
肝遂能致風雨起疾癘邑西三十餘里有山曰五雷山之
西有湫曰東揖熙寧八年公與瞿三十二者耕於埜相與
言曰湫之魚甚美連釣之獲三尾方置釜鬻俄變頭角瞿
驚怖舍之湫中公曰吾且入湫子姑候之沒一飯頃出而
衣冠不濡且曰吾將顯靈此土由是數見神異明年夏不
雨縣令杜公調聞而召之公告其母曰令召必欲雨母為
我鼓鼗箕運紡車洒水其上能致雨是日有雲雷而無雨
令讓之歸詰母母曰吾失洒水耳明日復告母而行雨乃
大作鄰邑令聞而爭迎之交章上功於朝錫號顯濟政知

年早令江公翹曝公于庭日色熾甚肌膚無汗神情怡然指天長

雲隨麾大雨若注建炎二年早令彭公洵召公公請投縣牒秋

之水涌雲集寒氣砭人龍見水上雨三日乃已是歲六月

洵為度材鳩工廣其居室建祠宇於湫之南以祠龍君公將厭世以環湫之山林

屬智門寺僧不疾而化葬于所居後山之麓里人慕之刻

木為像易居為祠扁曰顯濟謝公之祠旱澇蓄沴有禱斯

應於是泐水東數州分祠者百餘所咸淳

年令

禱于珠巖之別祠雨應期至人稱曰謝公雨里儒者沈先生

為之傳皇元縣長撒的迷失禱焉取香火置奩

中至邑治啟奩雙蝶飛去遂雨元統元年縣長合散君禱雨脩其祠刻銘以識初鉦之先君子嘗帥鄉人禱祠下至是父老謂鉦宜修先君子故事入其境山盤地迥草木蒼鬱升其堂庭戶明徹神風肅然心切異之已而甘雨如注歲乃登因訪得公從孫佛奴隆興間所錄蓋乾道九年脩祠階置屋辟頗為詳

嗚呼神怪之事孔子所不語揚子雲之所云也若公生而為死而為神指麾風雷佑民澤物廟祀不絕豈偶然哉鉦之言故為書之

江州路元妙觀碑

至正十一年七月戊申朔皇帝降璽書賜江州路元妙

觀觀之學者王崇大虔奉之以還而來屬素著其事於碑
素惟昔唐翰林供奉李公及宋蘇文忠公黃文節公皆以
年四十有九過斯觀賦詩傳之後世素雖藐然晚出於已
君子無能為役而其行年適同殆非偶然者按崇大所聞
參諸郡誌觀始於東晉初名老君菴在郡治之東北薛家
坡則郭璞所卜唐開元二十年作紫極宮嘗冶銅為元宗
像待元元皇帝側宋祥符五年改天慶觀建炎間燬於兵
入一國朝改今額漕使邦侯武帥小大之臣祝釐於此民
之水旱疾疫者亦禱焉延祐七年主山戢君復禮新作通
明殿至順二年王君義敬新作齋堂至元四年王君之

弟義昭作方丈室六年王君復作混元殿至正四年正一
堂壞住持提點詹君泰瓊請義昭之門人王道忠詹復殷
詹復立出財更作之若本命舍田二祠則六年歐陽道聰
李復璋作鐘鼓二高樓則十年今住持德久張泰

德等作之於是規制

棟宇穹峻偉然神明之居為一

方之望矣我一國家崇尚道室

說將以祈天永命蓋亦

異乎秦漢之君溺志於荒忽繆悠之小數凡居於斯館者
處有師友之講習出有山水之遊觀天光照臨恩寵斯被
猗與盛哉素既叙而銘之銘曰瞻茲琳宮犀輿東晉惟呂
惟黃縣縣曹允逮及唐宋元元是宗紫極天慶觀閣摩空

昔賢來遊載言載笑麗句雄章山川有耀錫額元妙自我
一世皇繼志述事惟一皇之明明詔誕揚玉章雲篆山君
川示儲休錫羨屹屹匡阜仙聖攸居玉芝龜設戒奔丹書
窺道之秘宅心幽貞天保定爾式衍脩齡棟宇岷岷新宮
奕奕庸侈上恩刻示無極

至元長慶寺碑銘

有序

撫州之東百二十里有僧寺唐長慶二年作因年以為號
宋淳化間置金谿縣則寺隸金谿寶祐間僧以爭財散去
而寺廢景定間里人朱必大奪寺基為葬地拉棟宇墮佛
像斬林木以其田歸撫之儒學寺僧慧月有弟子曰了逸

參學諸方歸而憩於有司時必大有聲勢卒莫能直迺歎
曰興廢有冥數吾俟天之定而已大元至元年有
詔若曰業故屬僧而有冒之者悉以還於是了逸與其弟
子紹安憩於官事遂直始必大欲盡滅寺之可驗者唯紹
聖間所鑄鐘擊不壞人言實以土則壞實之又平壞父老
尚能憶云然則事之興廢有非人之所能為者天也已而
了逸老且倦矣紹安又少迺始波源資福院僧本涇協力
以卒事 年了逸遷其寺於舊基之東若干步法堂成
加至元二字長慶上志復興之年也明年三月了逸卒遺
命本涇紹安為兄弟本涇居寺東偏而西則紹安居之次

主寺事周三 復始二人謀各任其力大德十一年三月
本溼作佛殿明年殿成而本溼沒明年紹安建東西廊僧
堂兵館其弟子允禮作鐘樓縣 鐘已而嗣漢天師留
國張公臨川饒 葛繼祖施財塿佛及諸神人像紹安命
工裴飾之延祐六年紹安作三門至順四年重作法堂允
禮命工丹雘之始至治三年寺僧集議披常住田若干儲
其入以理寺之未完者元統二年紹安披已田若干備然
鐙之費於是命其述來道其始末且曰有是哉興廢之難
也五十餘年始克卒成先師之志無文字刻之金石以傳
示後人何能知其難也因諾而叙之并為之銘銘曰

出世之教雄哉覺王高棟朱甍焜耀相望維此精籃勢家
攸壞洪鐘獨留神明罔昧——大帝尊佛播告恩言俾余豪
右歸其土田是時起廢昉自了逸曰溼曰安克思紹述耽
耽言言妥其神人考鼓撞鐘達於昏昕耆耋來觀愕茲壯
觀慨昔咸淳井泥路斷嗟余學人爰止爰 後百千世暇
食安居觀照知根密契佛祖巍巍楞伽厥施斯溥沛 甘
雨發其萌芽祝我——聖皇壽同河沙南康之石其平如砥
刻此銘詩以告來裔

勅賜神光寺碑

上以聖智之資舊勞於外東涉遼土至於三韓或言神

光寺之阿羅漢素著靈異往詹禮焉不四三年歸即大位
廼眷潛藩思有所紀述一詔翰林侍講學士臣僕揚斯為
紀其事未及為而後斯即世久之大司徒臣雅普華同知
資政院事臣姜金剛傳勅得宣文閣授經即臣素撰文以
進臣素既莫詳其興創之由歷數年始從臣僧宏演得其
顛末具列而刻諸身石按寺在高麗海州之北新羅大澄
大師所創也後梁隆德三年春沙門俊呈來遊大梁得畫
阿羅漢若干軸緹襲積藏泛海東還次仇公島風濤壞其
舟後數日積浮出於州南楸浦州以狀聞國王命取置州
之僧舍既而見夢於王遷奉今寺初為佛殿九間會有火

災後重創為七間至元三年上出金內帑遣寺臣金帖
木兒建僧房郎廡各若干楹至正元年又遣中尚臣床
兀兒增修焉臣惟一皇上受天明命君臨萬方山川效靈
百相右况於阿羅漢具大神通有聞必先乃理之常臣
雖不佞不足稱塞明詔勉述所聞章示來世廼拜手稽
首而為之銘銘曰

蕩蕩海波晨曦烜赫維高句麗自古有國佛天竺其
學蔓延法雨慈雲徧覆大千東方之人慈仁是賦壹聆真
詮本性覺悟厥土清淑中通奧區孰構寶刹名師奠居皮
藏梵書琅函玉軸神光燭如何幽不燭龍德之歲僧號自

梁賈舶覆溺漂流大洋卞像應真神通廣大鴻濤春撞
壘不壞歷世遐邇委見桑田聲聞無礙脫屣世緣於穆帝
子來建藩邸爰啟禎祥受天之祉受天之祉臨御多方子
孫千億既壽永昌頌思精藍不忘險阻庸詎近臣脩飾棟
宇瑤窓映月朱閣通雲宏宣秘旨開示元文紀述孔嚴維
皇申勅終古不隳勒詞山石

高麗林州大普光禪寺碑

三韓大浮岫園明國師既歸高麗國王遣宰相張沆追及
於林州州故有普光寺溪山幽勝者宿惠湛達閑等與田
冲用渡留國師於此其門人三千餘指室屋不足以容揚

廣道按廉雀君元佑率其官屬謀為增葺遠近聞風而施
者雲委僧寮寔館倉庫包漏無不畢備為屋凡五百間師
之伯氏典客寺事致仕金君永仁仲氏重大匡平陽君
永純感激發願以家僮百口田百頃歸於寺久之蔚然為
大道場矣其後師示寂謂其徒紹珠惠昱等曰寺雖重而
佛殿齋堂吾未及作汝等尚勉力卒成之第五代住持義
聰既新佛堂以畢師志因都城禪源報恩寺住持宏演來
求書其事宏演之言曰吾少也受經茲寺紀述之託誠不
敢後於是從宏演得師之始終而并書之師諱冲鑑號雪
峯髻亂時已不茹暈與群兒嬉戲以帛伽黎衣為佛

事稍長稟命父母祝髮於禪源寺禮慈悟國師以為年
十有九入選登上科一旦喟然歎曰雖修持十方如來
清淨理如洹河沙只益自勞曷若無漏果乃所事
即拂衣遊諸方留吳楚聞鐵山瓊禪師道行甚高迎之
東還師執侍三載瓊公甚期待之瓊公辭歸師主龍泉
寺始取百丈海禪師禪門清規行之後住禪源寺者十有
五年宏揚宗旨為國禘式其來普光也寔再紀至元之二
年越四年將入滅戒門人毋立碑造塔遽沐浴更衣跏趺
端坐紹珠進曰請和尚為衆說法師曰末後一著汝等有
分薦取言訖條然而逝世壽六十有五僧臘五十有八余

廟一
佛名二

禮補

身庸叙次之而系以銘其辭曰高麗開國三韓墟滄

嘗論佛氏之學西出於天竺乃不遠數萬里被於東海之
表何其盛哉而其卓然樹立如園明師者宜其說之益昌
而益明若普光之寺世世以師為楷則尚惡有墮廢之時
海浩渺連東吳西詹身毒各天隅何年貝多傳梵書學者
悟明心地初瓊公飛錫來此都園明國師侍起居曹溪正
宗須力扶一言契萬念除謂有非有無非無死生一致
不可渝普光大刹鳴鐘魚金碧炫晃雲霞鋪翩翩學子承
風趨優游食息明真如精藍鬱鬱師徂勒銘紀述昭楷
撫乾坤清夷化日舒天子萬壽當貞符

事稍長稟命父母祝髮於禪源寺禮慈悟國師以為年
十有九入選登上科一旦喟然歎曰雖修持十方如來
清淨理如洹河沙只益自勞曷若無漏果乃可事
即拂衣遊諸方留吳楚聞鐵山瓊禪師道行甚高迎之
東還師執侍三載瓊公甚期待之瓊公辭歸師主龍泉
寺始取百丈海禪師禪門清規行之後住禪源寺者十有
五年宏揚宗旨為國矜式其來普光也寔再紀至元之二
年越四年將入滅戒門人毋立碑造塔遽沐浴更衣跏趺
端坐紹珠進曰請和尚為衆說法師曰末後一著汝等有
分薦取言訖條然而逝世壽六十有五僧臘五十有八余

嘗論佛氏之學西出於天竺乃不遠數萬里被於東海之
表何其盛哉而其卓然樹立如圓明師者宜其說之益昌
而益明若普光之寺世世以師為楷則尚惡有墮廢之時
也耶庸叙次之而系以銘其辭曰高麗開國三韓墟滄
海浩渺連東吳西詹身毒各天隅何年貝多傳梵書學者
悟明心地初瓊公飛錫來此都圓明國師侍起居曹溪正
宗須力扶一言契萬念除謂有非有無非無死生一致
不可渝普光大刹鳴鐘魚金碧炫晃雲霞鋪翩翩學子承
風趨優游食息明真如精藍鬱鬱師徂勒銘紀述昭楷
撫乾坤清夷化日舒天子萬壽當貞符

四明山碑

餘姚南去七十里，有山二百八十峯，繚亘三百八十里，東連句章，南接天台北，包翠碣，中峯最高，上有四穴，若開戶牖，以通日月之光，故號四明洞天。恒有雲氣覆冒其上，秦始皇帝命其臣王靳驅山塞海，鬼神勞役，皆奔入此地。因名鬼藏山。漢上虞令劉剛，字伯經，下邳人，後居山中。從白君得仙術，它日會別親友，登大蘭阜，丘山拔柏木，飛升其妻樊氏從之。因遺履柏下，化為馴虎。事聞於朝，即其地立祠宇。春秋祀焉。梁隱者孔祐，視山谷中錢數百斛，與凡石無異，樵者爭取之，即成沙礫。有鹿中矢來投祐，祐為秦之

創瘡而後去。唐天寶三年，玄宗以劉君祠宇險遠，命道士崔銜處士李建，改築山鹿廿里，蓋劉君修鍊處也。唐末高士謝遺塵，隱於是。逸人陸龜蒙，皮日休，皆至，各為詩九章，以相倡和。宋政和間，徽宗書其榜曰丹山赤水洞天，命建玉皇殿，用方士法，寘金龍玉簡，至今存焉。國朝秩祀名山，頒錫香幣，亦及之。然棟宇傾橈，莫有能留意者。廣信毛永貞，嗣居之，乃斥太其宮室，足稱夫仙靈之居。永貞之門人臨川吳國珙，來請篆銘，將勒山石。銘曰：越山之峯，石穴玲瓏，天欲雨，浮雲真人升，上遺木履，潺湲古洞，間流水白鶴，裴回於蓋，戾止玉童，采得青孺子，子能食，可不死。史

素作銘式告千禩

倪氏祠堂碑

四明倪君鉦來遊京師告於臨川危素曰我十三世祖府君次九譜牒亡軼諱字弗可考或曰修武或曰亞將或曰副使里民祠之書於主之辭也宋咸淳八年宗人大選作族叙圖志曰倪氏之先自北而南府君仕唐昭宗時值世亂稱疾謝事自永嘉之平陽挈家泛海據鄞象山之曾棚頭俄見一人狀若處子臨水際招之府君至岸遂失其人袞袞四顧愛其山盤地迫遂家焉時其地惟范氏一族而已自是招四方之人為鄰且布德以恤之府君既沒葬縣

治之東十餘里梅溪鳴巖之陽夫人余氏葬墓之東岡里民既懷府君之德或繪像或設主敬奉之復素象立廟水旱疾癘禱之必應迄今不廢府君之子三人曰五評事居邑廛曰六宣義居梅磧曰八宣義居錢倉今四百四十餘年傳世十有八族人二百餘家而府君之墓竟失所在鉦之七年迺得其地已屬之富室丘氏四周鞠為禾粟之墟未墾者 土耳鉦具禮幣踵門以墓請丘氏兄弟相謂曰倪氏墓廢且久今其裒孫復之此世之所難能者矧脩武公澤被鄉里殆非一日吾兄弟何靳焉乃以復號至元之三年八月 始克脩其地墓復買地若干畝 墓數

百步為屋十有七楹題曰敬宗精舍奉府君之像其中歲
祭以冬至之日且率族人買田若干畝給其費子其為我
書之刻石以圖永久嗚呼唐之末盜賊縱橫豪傑並起方
錢鏐誅董昌并越州固脩武榮功建名之日領乃携其妻
孥遁藏山海之間可謂度越眾人甚遠一時赫然驚動其
人者固民滅而漸盡而脩武君之遺愛在其民更數百載
之久而弗忘則其得失較然著矣鉦之致力其先墓可以
謂之孝丘氏能歸其地可以謂之義鉦字子靜丘氏兄弟
曰國寶曰國材余既列書之并為迎享送神之詩使歌以
祀焉其詩曰

岌岌象山巋焉海邦後陽載升素數月在憲轍車辰止使我
心降我牲既碩酌醴孔有秩秩豆籩庶其歆只邦人畢來
匪惟孫子唯神逝兮 波茫茫井里在斯錫厥禎禎祥伊何
百穀穰穰

元儒吳先生碑

先生姓吳氏諱南壽字南壽其先繇嚴陵徙弋陽又徙餘
干既割餘干地置金谿縣遂為金谿人世為儒家曾大父
某大父某母王氏先生少業儒術厭世空俗思寄迹老子
灑去師事全尊師於望仙觀度為道士猶好讀書工文章
故宋進士劉公渙集賢侍讀學士放之後歸國朝為鄉里

者碩慎許可尤器重先生有別業在邑東郊延先生居之
 庭有古梅一株乃日興劉公誦詩讀書其下倡和之作多
 傳於時故翰林學士吳文正公處士孫先生轍翰林侍講
 學士虞公集得先生詩文皆為之稱賞題志焉先生性孝
 友其詩多述思親之情從兄某客金陵久先生歲必為詩
 數章以寫其懷思焉葛氏姊既寡居家甚貧先生授徒得
 錢恒共具之又撫孤甥將而教之將遂有吉士林先生與
 人言呐呐不能出口而情義藹然故人樂與之遊雖少賤
 慕其慈願親為先生之生以至元十三年六月卒以至
 正六年正月 得年六十有一其徒黃以瓊桂 鄧

如鑑以某年某月某甲子癸亥福鄉之應真峰先生昔結
 茅峯下距余大父墓甚邇先生哀念之典 塵土也屢賦
 詩相招隱居其間願 以貧干祿未及還而先生往矣嗚
 呼悲哉屬將方客京師聞先生之喪哀痛尤甚乃俾余列
 事其刻之石而系以銘銘曰遜世之士類乎卓詭爰葆幽
 貞君承詩禮克篤孝友宅心和平維山有疑松声澗水白
 雲英英蟬蛻斯委瘞劍乎此視我刻銘

鄔子紘巡檢方君去思碑

州判官縣尉巡檢之設職捕盜也官甚卑職為甚要巡
 檢尤卑盜之始獲多自巡檢始其治所當荒山絕海去大

府必遠其官無佐貳自非明慎者焉可保其獄之不寬哉
議盜之刑重者死於死其可忽諸昔者廷議儒學官在吏
部者已多俟代者常十數年許借為巡檢逢掖之士往往
以為一旦去俎豆負弓弩不幾於自待之薄者乎然國家
之意豈不以為職之甚要則用不可非其才偽者於脩己
治人素嘗習之施之天下猶可效巡檢一方其難易較然
矣故有志之士恒不以小其官而樂為之固將行其學而
已崇卑非所計也彭蠡之澤其寢千里進賢縣之鄔子執遠
當澤寔先是羣盜常據險自恣行者甚厭苦之九江方君
繇藝文監脩書被賞典得儒學教授借為是官盜賊肅清

官府無事廼作亭湖上以自休讀書之暇著為文詞歌詠
其官居之樂儒生秀士咸喜從之遊其民益知鄉尊彬彬
焉趨於禮義 之盜亦無敢犯其境矣若是者謂非偽

者之效吾不信也閩海元 既辟方君為掾令調將樂縣

主簿去官之三年里父老屬臨川鄧立以書來京師求為
製去思之碑方君篤學甚文而仕日顯異時所書者宜多
茲其從政之始故請得而頌之方君名積字叔高其湖上
之亭余為記也其詩曰彭蠡之澤鉅浸淼彌荒茅管竹盜
賊攸棲勁觴高梳其乘繹繹憂虞孔多詎遑寢食鑿書之
設厥秩雖卑以去患害以坊姦欺嗟我方君出自館閣匪

資文華寔循矩矱君曰毋亟盜亦吾民何以化之惟義與
仁誦詩讀書琴瑟在御弗暴弗苛苛民情悅豫湖波宜實風
月清明權謳相聞枹鼓鼓不驚方君去只民思無已述辭於
碑以勸君子

檀州達魯華赤纛吉刺君去思碑

檀之為州密邇京府其官曹之賢否不俟終日朝廷其知
之其賢且能者擢實要涂發揚素蘊然則仕於此州者其
可不自勉哉此州達魯華赤纛吉刺君終二年受代以去
士民謀刻石以述其慕戀之意來請余為之文今天子嘉
惠黎氓更守令之法責備功效最為詳密君以國人格遵

魁內 政 養 字

詔旨其治績可書者曰賦役均平君能申勅屬縣置版

闕州八鄉五十餘社厥土既多硠瘠其民遊食者衆力本
者寡故田萊荒蕪君于是懲督浮惰敦勸諄復相其土地

所宜種藝無曠日詞訟簡少兩造至庭諭以大義剖決至
公人心悅服吏知不可以為市奉承唯謹而境內興於禮
讓曰學校興舉州之學粟給不足命籍閑田數頃歸之蕪
樂城西之年豐鎮居民甚夥而不知教因建孔子廟為
之 學又作八思麻帝師殿創國字學州境介山谷間舊
多攘竊至是革心嚮 安土樂生故盜賊屏息戒倉庾之

資文華寔循矩矱君曰毋亟盜亦吾民何以化之惟義與
仁誦詩讀書琴瑟在御弗暴弗苛前民情悅豫湖波宜宣風
月清明權謳相聞抱鼓鼓不驚方君去只民思無已述辭於
碑以勸君子

檀州達魯華赤竟吉刺君去思碑

檀之為州密邇京府其官曹之賢否不俟終日朝廷具知
之其賢且能者擢實要涂發揚素蘊然則仕於此州者其
可不自勉哉此州達魯華赤竟吉刺君終三年受代以去
士民謀刻石以述其慕戀之意來請余為之文今天子嘉
惠黎氓更守令之法責備功效最為詳密君以國人格遵

五七

詔旨其治績可書者曰賦役均平君能申勅屬縣置版
籍差等第輪次差繇富者無幸免貧者獲安尚曰田禁開
闢州八鄉五十餘社厥土既多硠瘠其民遊食者衆力本
者寡故田萊荒蕪君于是懲督浮惰敦勸諄復相其土地
所宜種藝無曠曰詞訟簡少兩造至庭諭以大義剖決至
公人心悅服吏知不可以為市奉承唯謹而境內興於禮
讓曰學校興舉州之學粟給不足命籍閑田數頃歸之燕
樂城西之年豐鎮居民甚夥而不知教因建孔子廟為
之學又作八思麻帝師殿創國字學州境介山谷間舊
多攘竊至是革心嚮安土樂生故盜賊屏息戒倉庾之

吏毋敢侵漁斂散以時而民不擾故常平得法六事既備而君之政畢舉矣蓋嘗考君之先世為野部人六世祖納魯都從太祖皇帝伐金以千夫長從皇子下河東高祖門特哥襲千夫長為平陽達魯華赤歲辛亥佩金虎符為鼓城萬戶府監戰曾祖合刺口武略將軍監晉路澤吉四州其在晉州也李壇據濟南畔一詔宗王合必赤統諸道兵圍之晉州兵分戍其下城中危迫突圍以出晉州兵適當其衝與之戰甚力寇退壯其勇面命之酒并昇以飲器功狀既上被白金之賜父阿尔答監晉朔應三州以治最拜監察御史歷瀾東西廣西海北肅政廉訪司為簽事

為副使為使君既生長世官之家聞見有素監清河石埭廣濟三縣甚宜其民更事既多其治一州恢恢乎有餘地矣余也述君之為政而牽聯其祖考使覽者知其世緒之遠而俟其顯融也系之以詞曰醫生民之林林子孰匪天之所生彼君師之盡道子宜治教休明封建屢廢子法制變更郡縣棋布子守令相仍賢否襍糅子狼縱橫杼柚其空子雞犬弗寧流通四出子哀哉鯨悼一皇宅幽予蕩蕩神京密雲故墟子檀州是城州有賢侯子撫綏疲氓竭乃思子獄訟以平新學爰作兮弦誦有聲黍稷芘芘子年歲屢登今侯之去子願止其行政譽洋溢子爵秩

彌升澤被生民予行帛是微勒茲堅珉予以勸忠貞

故昭信校尉管軍千戶累贈中奉大夫山東東西
道宣尉使護軍追封太原郡公王公神道碑

昭信校尉管軍千戶益都王公既卒且葬之四十有七年
其子懷遠大將軍同知海北海南道宣尉使司事副都元
帥英屬臨川危素書其墓道之碑時英方以平閩廣寇上功
狀於朝素謝曰君侯忠義廉介為時名將宜受上賞則封
爵之加賁飾泉壤稱述先德蓋有待也後十有三年至正
十一年四月庚辰上御嘉禧殿中書省臣顯奏英之功
績加授二品於是贈公中奉大夫山東東西道宣尉使護

軍追封太原郡公夫人祝氏進封太原郡太老夫人素乃言
曰朝廷清明公道太行報功之典亦云厚矣然非英誠不
足以當之論撰先德茲維其時固不敢以淺陋辭按公諱
成姓王氏世居益都曾大父某大父某父定金亳州城父
縣尉累贈嘉議大夫濟南路總管工輕車都尉追封太原
郡侯母聶氏追封太原郡夫人公生士寅歲 月少有勇
略至元六年充軍籍授百戶從攻襄樊五月次鹿門山南
先鋒叢始隸溜菜新軍萬戶府七月宋遣大將夏貴饒軍
襄陽公迎戰江中奪其舟禽二人殺三人丞相阿木公賞
鈔四十緡十二月辛卯從元帥張公宏範至襄陽西軍方

山城七年二月乙未宋人襲方山公與戰禽一人殺三人
丞相史公天澤賞鈔五十緡七月城虎頭山十二月己酉
從摠管劉公國傑征西川八年正月甲戌至於澧州荆南
府宋驍將號飛虎馬公與之戰突入陣中殺十餘人奪馬
五匹劉公擇其良者二匹以賞公二月至普濟鎮與宋將
范文虎等戰殺五人奪其旗至大石平宋人追之公力戰
殺三十日人奪其旗與鎧攻喬麥戩與宋將號硬弓張者
力戰殺二人其後至九秋十八峒攻牛鼻茶牙二關鎮房州
東南又與宋人戰殺二人丞相合丹公賞鈔三十緡又戰
襄陽西門殺二人賞鈔二十緡九年三月甲戌攻襄陽城

東南登城力戰賞鈔三十緡九月甲子叅知政事合刺海
公命帥機都船三十二艘戰江中奪舟七及旗砲鉦鼓禽
九人殺十餘人十年正月乙丑攻樊城帥十有一艘戰江
中而硬弓張者復正大戰殺十餘人合刺海公賞鈔五十
緡登樊城先衆人賞鈔百緡十一年七月行者命萬戶府
得自舉百戶遂首推公九月庚子師次郢州攻黃家院城
先登力戰傷公軀行省賞鈔十有三緡十月丁巳與宋將
張進玉等戰公追殺五人奪馬一匹與它器械十一月乙
未戰沙洋十二月癸丑攻陽羅堡南斫柵登城奪之并舟
一追夏貴至白虎山下奪其舟十二年四月董脩楊子橋

城墜六月庚寅夜一鼓宋師大至公射之至翼日晚殺十餘人追至揚州南門大戰大捷七月庚午從劉公與張進玉戰焦山奪海艘殺十餘人逐北五十餘里十一月甲申師次丁家洲宋兵潰公追至蕪湖禽五人殺三十餘人奪舟三賞銀一錠十三年三月戊辰伏兵揚州平山堂西宋人覺追至西城隍轉戰十餘里殺十餘人六月癸未宋將姜才守臣李庭芝走秦州公追殺十餘人西川行樞密院俾充百戶十四年從丞相伯顏公北征六月戰禿刺河口樞密院命為百戶八月戰鎮海南韓路歡河有功行樞密院上其事授忠顯校尉管軍總把十五年正月出師北方

賜銀符十六年七月甲寅戰金山口子十七年正月還和林擢昭信校尉管軍千戶又降爾書印章十九年八月戊寅詔還家賜銀一錠對衣各一二十年正月劉公擢征東行省左丞請從不果樞密院俾移鎮江西二十二年命視兵廣東九月癸巳卒於廣州東莞縣得年五十有二明年六月歸葬益都縣小澗村初贈武略將軍滿萊萬戶府管軍中副千戶飛騎尉追封益都縣男再贈明威將軍升副萬戶上騎都尉追封太原郡伯再贈懷遠大將軍同知廣東道宣尉使司事輕車都尉進封郡侯至是復有今命子男二人長英也中奉大夫遥授廣東道宣尉使都元帥

次傑蚤世女一亦蚤世孫男二安嚴忠翊校尉滿菜萬戶
 府官嶧卅千戶所管軍中副千戶觀音保素惟國家起朔
 方一天下雖一時將帥顯著勳庸然非集偏裨卒伍之力
 詎能克成大功削平畔亂去今百年將帥之功列在國史
 而偏裨卒伍無能道其姓名者較其竭力捐軀出入鋒鏑
 之下可謂勇且勞矣卒於斲盡泯沒非可惜哉獨公以
 子威聲績業顯聞於世故公亦數被褒贈之命是宜刻銘貞
 石昭示來世乃系之以銘銘曰 天佑大國四海為家宋
 阻江漢皇威所加肅肅靈旗襄樊戾止降其將臣列城風
 靡沙洋大戰尋擣陽羅馮陵焦山江海不波公起青齊出
 入行陳所向無前雷 雷震論功宥密長其千夫賜子褒
 崇錫以璽書公車載馳竟死南粵歸藏故丘笳蕭悲咽繫
 公有子惟孝惟忠克大尔家智名勇功褒贈之隆爰稽盛
 典際茲昌辰澤被幽顯山高川回奕世其昌勒我銘篆用
 昭青光

故翰林學士承旨資善大夫知制誥兼脩國史贈
 推忠輔義守正功臣集賢學士上護軍追封凍水
 郡公謚忠嘉耶律公神道碑

泰定四年六月 翰林學士承旨資善大夫知制誥兼
 脩國史耶律公薨於京師私第七月丙午癸昌平縣玉泉

之東甕山之陽後升有五年其孤莊嘉請於朝贈推忠輔
義守正功臣資善大夫集賢學士上護軍追封凍水郡公
謚忠嘉乃采屬素文其碑道之碑素昔待罪史官知公之
先世有勲勞所以銘彝器而著竹帛者未易以悉數公以
世胄之英蚤歷艱危雄文與學克享壽考位躋上公一今
皇帝篤念祖考推恩舊臣流光泉壤而庇賴其子孫者於
斯為盛執筆論撰其世出行治誠不敢辭按狀公諱希亮
字明甫其先遼太祖長子東丹王謚讓 皇帝愛欲傳六
世而為聿魯歸金生正議大夫尚書右丞追封凍水郡文
獻公履文獻生楚材歸國朝拜中書令贈經國議制寅亮

佐運功臣太師開府儀同三司上柱國追封廣寧文正王
文正生光祿大夫監脩國史中書左丞相贈推 保德宣
力佐治功臣太師開府儀同三司上柱國追封懿寧文忠
王鑄公文忠王長 也初一六皇后命赤帖吉氏歸文忠
王歲在丁未八月十有四日公生於和林南四十里之涼樓
曰禿忽思六皇后遂以名之賜洗兒酒果襪負之物甚厚
歲甲寅春一憲宗遣文忠王與帖木而忽魯赤覈錢糧於
燕文忠王奏曰臣先世皆讀儒書儒生俱在中土願携諸
子至燕受業一憲宗從之乃命公師事北平趙行昌齡時
公方九歲未決旬已能賦詩歲丙辰召文忠王和林議事

公獨留五年以歲戊午春至六盤山行在所及秋文忠王扈
從南伐明年一憲宗崩於軍中公領輜重北歸陝右阿里
不哥與北邊諸王遣使來召又明年為世祖中統元年文
忠王行次靈武諸王使至曰一行皇帝在蜀事無鉅事
悉以任卿卿其與主將渾都海等治兵以卒先帝之功文
忠王還乃召公母子至既而聞一世祖皇帝即位于上都
即渾都海等朝覲皆弗從會阿里不哥召渾都海等始
知諸王構難軍士妻子留北方者相率引去文忠王棄家
挺身來歸翼日渾都海知之甚悉遣精銳數百騎追之弗
及令百餘人監視公等迫脅從行則環宿六月次靈夏

度河過應吉里城轉戰以進積尸蔽野七月至西涼甘州
阿里不哥所遣大將阿藍答兒至自知林帥師至馬支山
公往見馬阿藍答兒問公而父安在公曰不知與吾父同
滋事者宜知之渾都海盛怒詰公曰我焉得知亡命東見
皇帝矣公曰若然則奚謂不知阿藍答兒熟視渾都海曰
此言深有意焉詰公甚急公曰使我知之亦從而去安得
獨留阿藍答兒以為實遂免監涖然健卒肥馬十取其九
八月大兵與戰阿藍答兒渾都海皆死其殘卒北走衆推
哈刺不華為主將九月公潛匿甘州北水東沙陀中殿
兵已過十餘里有尋馬者適至老婢漏言告變衆奮至盡

驅以見主將十月至肅州阿里不哥使至切責甚厲哈刺不華與文忠王有昏媾之義文忠王從行在蜀哈刺不華為砲手長嘗疾病文忠王召醫視之遺以飲食因釋公縛執手曰我受恩於汝父此圖報之也及抵沙州北川公與昆仲等雪中徒步負任不食者數日數於死次伊州告變老婢在主將幕府得疾號叫不絕聲者十有餘日腹裂而死云十月涉雪踰天山肌膚皴痲補救難者半鄴窘苦萬端十二月卧疾北庭都護府民家二年三月至昌八里城四月至馬納思河五月至葉密里城乃一定宗潛邸湯沐之邑初六皇后少嫡主后之位與宗王火忽皆欲

東觀公母密知其事携公入見乘涕乞哀哈刺不華頗覺其事遣脫魯火察兒督責窮詰十月至於火宗三年一定宗幼子大名王至皇后所朝正因見公閱其不能歸遺以幣帛鞍馬飲食二月從大名王至忽只見地會宗王阿魯忽至誅阿里不哥所用鎮守之人曰唆羅海欲附世祖公聞之喜甚三月從二王還至葉密里城王遺以充耳雙上有二珠大如榛實價直千金欲穿公耳公辭以不敢因是以傷父母之遺体且無功受賞寔愆懷貪之罪不許流涕控告乃已聞者異之王又解金束帶以遺且曰繫此於遺體宜無五月阿里不哥兵驅迫西行千五百里至索勞

里初公有二馬白黑異色黑者尤驍健王之近臣為其
奴眩篋以奔告公願假白馬追之公竟以黑者假之人
以為難六月西行三晝夜至換札孫僵相枕公六晝夜
唯食螟蟲一溢又從至不刺城西行六百里至徹徹里澤
刺之山后妃輜重皆留於此公母及昆仲亦在焉公單
騎從行二百餘里至出布兒城九十里至亦烈河河南之
城曰也里虔九月哈刺不華以兵至公從二王興師還至
不刺城西五里哈刺不華與其族弟脫魯火察兒皆中流
矢死盡殲其衆二王函其首遣使報捷十月至至亦思寬
四年至可失哈里城四月阿里不哥兵復至公從出征至

渾八升城公母從后避暑於阿體八升山五月一世祖遣
不花出至二王所文忠王嘗言於上臣之妻子皆留北
邊因以璽書命其家臣紐鄰醜僧召公赴關仍勅二王給
驛二王資送東歸兼獻金錢文豹六月繇苦先城至哈刺
火州宕柳中經鐵堆子宿伊州涉大漠以還八月朝于上
都大安閣備陳邊事及羈旅困苦之狀是日賜鈔千錠金
東幣一幣帛三十段命為古兒赤必闌至元八年春
授奉訓大夫符寶郎十二年既平宋上令公問諸將
日本可伐否是時夏貴呂文煥范文虎陳奕等皆云可伐
公奏曰宋與遼金攻戰且三百年干戈甫定人得息肩俟

數年後興師未晚。上以為是十三年太府監令史盧贄言於監官各路所貢布長三尺唯平陽加六之二。諸怯薛丹爭欲取平陽布，苟截其長者與它郡等，則無所爭。每歲驟漆宮殿器皿及拭塵垢，襍用布千餘疋，猶不給。今所截餘布可充其用。監官從之。造古欲杰伯顏以聞。上以詰監官，監官倉皇莫知所對，歸罪於贄。上命斬之。公遇諸涂，贄以怨告公，命少緩具以寔入奏。上令董文用謝之，竟釋贄。尋召御史大夫塔察兒等議之，曰：「此事言官當言而不言，向非禿忽思幾誤誅一人。」十四年正月授嘉議大夫、吏禮部尚書。三月遷吏部尚書。十一月駐驛察納兒。

上召公至，奏對畢，文用問大都近事。公曰：「圉多囚耳。上方欹枕而卧，忽寤問其故。公奏曰：「上都省檄奉旨若曰：『漢人盜鈔陸文，殺以是囚多。』」上驚問孰傳此語。省臣曰：「也可。」見察脫見察曰：「陛下在南坡以語蒙古兒童。」上曰：「前言戲耳，曷嘗著為令式。」乃罪脫見察，公因奏令既出矣，必明其錯誤以安民心。上善其言，即命介孛羅與公議行文書，仍遣公至大都諭旨。中書十七年，公以跋涉西土感疾，足病痿痺，退居灤陽二十餘年。至大二年，武宗訪求先朝舊臣，授公翰林學士承旨。資善大夫七月改授翰林學士承旨，知制誥兼脩國史。公以職在史官類次。

世祖嘉言善行一英宗嘗取其書入禁中久之閒居京師四方士多從公考德問業種華竹以自娛公性至孝困厄遐方家貲散亡僅藏祖考畫像四時穹廬中陳列致奠克盡誠敬成相聚來觀嘆曰此中土之禮也公之疾病終日危坐一室朝吟暮誦或中夜起坐取燭以書所著詩文及迫脅從軍紀行錄等三十卷目之曰縻軒先生文集一母粘合氏赤帖吉真氏俱追封懿寧王夫人粘合氏懿公若已出娶札刺真氏郡王介禿之長女先公卅有七年卒追封漆水郡夫人繼室何氏金徐州領軍都統立之女孫封漆水郡太夫人子男四人普化長生寶莊祈長固今

為承直郎生料庫使女四人長道粘合師奴次適金河東山西肅政廉訪司事乞奴次適利用監御梁完者篤幼適東昌路同知提管府事僧家奴孫男二人安因安爾察顏女二人銘曰於穆一世祖克纘武功歷數有歸收攬群雄才峻翊興風虎雲龍孰啟千紀天誅莫容維懿寧王遼國之宗棄家奔問盡瘁鞠躬其素其囊蕩析為空王有令子播越羈窮穹廬歲祀孝敬式隆矯矯名王待遇加崇斬將獻馘遂達宸聰重譯還朝賜予彌豐乃掌符璽超躋顯融俄嬰末疾息影雲松武皇御極者碩登庸召寘侍從列爵上公有赫一英帝祖武寔從編摩聖訓歲棄禁中優游

壽考啟視令終馳爵泉壤漆水嗣封文章泯泯江海為東
不亡者存燧若長虹甕山之陽燕石可齧述銘紀德以表
孤忠

端靜冲粹通妙真人黃君壽藏碑

至元十有七年一世祖皇帝詔徵女冠鍊師邵君於臨川
昭睿順聖皇后說其言留居禁中以主祕祠賜號廣誠
靈妙演法真人再傳而得黃君焉黃君名居慶字慶遠別
號石庭散人饒之安仁人父明德母張氏君生於至元十
六年九月朔幼而敏慧年十有三慕元虛之學父母弗能
止舅氏道遥觀道士張宜叟引詣東庭觀從管轄左君得

慶為女冠東庭者邵真人受業處也大德七年邵真人命
之至京師入觀一成宗皇帝即命祠北斗邵真人亦嘉其
志行純備盡以道術授之復使師事葆真持正淵素真人
盧君於是佐盧君服邵真人之喪盡其誠孝泰定二年中
宮留盧君內廷黃君遂揖禱祠事明年盧君化去如夜邵
真人者且各建石閣墓上自是承應宮壺日不暇給乃召
女弟仁寶於東庭攝禱祠事天歷初一皇后尤加敬異集
賢以聞授淵靖冲素崇道真人住持元元萬壽宮元統
二年一今皇后有旨命加真人集賢以聞授端靜冲粹通
妙真人江南諸路女冠都提點住持都元元萬壽宮撫

州路東庭觀常德路乾明觀事特命文臣行詞表異之又降璽書護其宮先是成宗賜地西成坊以作元元宮而邵盧二師當在禁庭故構築之事未遑畢舉程文憲公元文敏公嘗承詔為文趙文敏公書之而未有石刻黃君卒次第為之若夫正簿書立規矩竭其心思無所遺闕復俾仁寶等經營以建瓊瑤殿素天神像香燈之具無一不備至正四年豫作壽藏于西山祖堂之後至於含斂之須靡不悉具使其族弟冲真元素明德法師仁已謂余曰吾藏劍處將刻石以識願有以述之余家臨川與東庭同郡也是邦自昔麻姑魏夫人遺跡多在焉故女子至今聞其風

而興起脫去塵俗超乎萬物之表豈非難哉邵真人以來三世受知帝后褒贊之勤錫賚之厚有不勝書非潔白其行精勤其學不足以致此黃君恬澹而慈和以為起自山野受國厚恩恒以滿盈為惧每勸其門人以敬天事君無忘師訓故記其壽藏而并及之且系之以銘銘曰

學本黃老在葆其真孤騫塵濁與天為鄰世降風移衆說滋起仙術可傳從者雲委昔魏夫夫飛行臨川黃華戚姑照暎後先我一世皇大廓封畛賢豪登庸亦及幽隱有媿女師修練東庭翩然來朝駕其雲輶脫屣如遺歲歷三紀真人再傳懿德趾美出入禁闥錫命光華優游瑤館若

棲烟霞宛乎之墟豫作幽宅達視死生何有欣戚茫茫宇宙孰控搏哉獨立物表超乎端倪後百千年徵其遺蹟銘著弗忘勒在燕石

故貴溪彭君墓碣銘有序

朝列大夫高州路同知提管府事上饒徐侯容述其同郡彭君九萬之行曰君諱鉉九萬其字也姓彭氏其先繇金陵徙居番易宋治平二年進士第一人諱汝礪仕至寶謨閣待制樞密都承旨其後有諱煥者再徙信之貴溪王侯石迨君十世矣曾大父英大父應桂巴陵縣儒學教諭父宗溥高州路蒙古字教授母馮氏君生於延祐元年九月朔

則秀異穎敏書再讀輒能記進士弋陽方君回孫來為邑丞君從之受春秋 確攷訂朝夕 倦方君承稱之至順三年秋試於有司不中君未嘗有所怨懟曰我所學未至也於是退而益修其業手書春秋決微廿冊後三年復往試即貢院以疾歸曰吾之不利於此豈非命歟廼閉戶讀書自勵彌 然不復以資進取務求聖賢立身之大者父母或微疾服勤湯藥晝夜忘寢食者累旬卒無惰容平居作止雍容恂恂雅飾族姻師友恭敬唯諾閨門尤慎禮法內外無間言至正四年二月 得疾至 夜起與兄弟訣曰吾不復起矣吾兄弟其善事父母言終奄然而逝

年甫三十娶同邑李氏生一女無子教授君命其兄錫之子愷為之後是年四月 葬永和鄉之永安里其弟銘來京師致其父命請余銘昔鄧文肅公銘巴陵公墓謂天之報施善人將在其裔後君積學而不年信乎天者不可信神者誠難明矣銘曰

王侯之石生雨雲居者本諸武夷君芝蘭玉樹揚清芳奄然遺世藏書存裏回空山涕泗紛尉其冥冥在斯文

大元欽象大夫提點司天監事王公壽藏碑

至正十二年二月一上出內帑錢二千五百緡以賜欽象大夫提點司天監事王公弘鈞脩治先塋公於是因為壽

藏坎其中覆焉其子天文生理介豫章吳後來請為文樹碑以述公之家世行治素始至京師即從公求觀故宋所鑄渾天儀考其制度公不問其姓名欣然相携觀之古所謂傾蓋如故公之謂矣今幾二十年公方彊健克躋壽祉願豫開元堂無復諱忌非達乎死生之理不能然也公字彥舉其先大梁人繇唐及宋有登仕版者高大父顯徙家洧川曾大父大有金正大八年北度至蔚州定居焉大父行簡童子時從親轉徙崎嶇兵間不懈於學尤 易數國朝至元十七年祕書監薦入司天其父以棄官養親廿年有善人長者之譽僅止承事郎洧梁路通許縣尹母于氏

張氏公蚤嗜學繇天文生轉司辰 升司辰郎司天監漏
刻科管勾平秩郎司天少監進司元大夫司天監加頒朔
大夫乃遷今官為少監時有星變公入見 英宗直言
無所隱上稱歎久之因請飾渾天儀勅太府出黃金四錠
既訖工賜楮幣 千貫晉王即帝位召對曰匪上天之象
象無常聖人之 身有度 除舊布新國有令典陛下當
上法先生脩德行仁減膳徹樂 恩惠緩刑獄慎起居晉
邸為之動容若曰 官才也兩賜楮幣四千貫幣帛四端
一 文宗以建康潛邸作僧寺遣公蠲吉樹棟梁賜帛十端
銀一錠 今皇帝兩賜楮帛七千五百貫至是復有今賜

泰定以來五降璽書獲其家代祀岳瀆者三恩至渥也公
事太夫人盡孝振郵窮之所受賜予輒分諸僚佐以勤儉
自將獎拔淹滯銓注以時其在籍者為奏復之當太師帖
木迭兒柄國中外側足然獨加禮於公嘗謀廢金碑刻石
頌已功德公諫曰碑首篆云金太祖開天啟祚睿德神功
丞相人臣也果若用之必招物議况存古碑遺跡國朝盛
典也丞相宰制百僚奈何自違之耶帖木迭兒大喜飲之
酒并以金杯為贈公辭弗受它所挾止者尚多然未嘗出
以語人公 日以事度河舟人後至恩得罪以生魚獻固
拒之不得投魚於河後數年再至度河舟人爭先迎載公

忘之久矣則拜且言曰明公放生魚者向感恩甚厚今得
再見其幸初公省通許府君於官所府君為長短句訓之
公守之勿忘素昔論公所居官任古義和之職重其官所
以欽天也願乃踵金之政別為官階以異常調誠不知其
何說也羣臣朝大明殿賀天壽節公在班中俄雨至沾衣
公謂左丞陳郡韓公元善參政濟南韓公鏞曰天降雨澤
今日朝班中胡不分流官祿賤而為之等差何耶兩公
愕然公娶氏子男理也素既述其事於碑為銘以系之
銘曰

維天垂象欽若在人古有義和虞廷用賓七政既瘳時久

敬授察其妖祥慎乃占候宋熙寧世作渾天儀臣有沈括
妙執圖機金起遼東幽燕爰宅重器載遷復歸皇國官
世守廼復其家有題王公錫爵光華其先自唐莫居於汴
蔚蘿清川兵間流轉繇公大父職業天文懿厥通許禮義
是敦公自蚤年討論家學用志不分蜚英騰焯歷事數帝
進退虔恭執執以課屢啟宸聰亦有權臣顯握事柄正色
開誠使之納諍有粲文綺楮幣白金錫予稠疊寔紆心
雍雍里閭習公孝義質質旅人戴公恩惠國有著蔡既耄
且康述功載德庸識高罔

故承務郎南康路都昌縣尹贈奉議大夫徽州路

總管府治中駢騎尉追封休寧縣子吳公墓碑

至大元年十有二月甲子都昌縣尹吳公卒於明年二月歸葬休寧縣安樂鄉金紫園後三十有年其子儼官登五品廼贈公奉議大夫徽州路總管府治中駢騎尉追封休寧縣子儼命其子庸去京師屬臨川危素曰昔我先人之葬宋之遺老太學進士鉛山李公實為之銘不肖孤猥承先訓獲被官使光寵醜厚賁於幽壤吾子嘗職太史氏願書之貞石以庇賴其子孫素有不可辭按公諱從龍字洪飛姓吳氏其先唐貞元間有諱起者自南陽度江至澗上後官歛遂家休寧通州閩州依定居邑之梢雲里

曾大父邦呂宋成忠郎大父柔遇成忠郎淳祐六年試江轉運司寇多士父震子母金氏公生寶祐二年十有一月幼通悟好學不好學弱冠愚民為亂公以智略撫平

之江西行省左丞呂公師夔聞其才薦授惠州路總管府判官以年未及辭久之以為徽州路休寧縣尹親憂服

調吉安路廬陵縣丞時官粥文丞相家所沒田公規畫有方吏不得市其姦會暴風吹庭中竹至雲霄俄頃復還故處衆驚愕以為異督餽值寇作失其舟賣負郭良田以償之改鉉山州判官有獄訟淹久者公以數語決之為婺州路永康縣尹御史治民剛柔通中晚拜都昌之命年

饑富室閉糶公諭之以誠爭發粟濟之屬久早早為文禱於
陶長沙公廟宇南隨至先是官造巨艦植大木上流過水以
通艦木牢不可拔舟行值之輒壞公募善水者拔之督運
淮東還得疾遂卒公事親以禮與仲氏宗分田產則讓其
美者媼族貧乏必思周恤衣食不尚豐飾守先世田宅不
妄取以自益藏書幾萬卷題齋室曰本示志也所著詩文
廿卷藏於家娶謝氏宋諫議大夫泌世孫盡婦道先公
七月卒子男一人儼也今以武德將軍同知松江府事致
仕女一人適金霖孫男二人康庸序庸詹授杭州路餘杭
縣古城鎮寨巡檢女二人適宋景福程瑛曾孫男三人師

芮治洗身銘曰

關

舒君師文墓碣銘

宋景定三年我曾大父仁和府君與太學博士四明舒公
津同登進士第後七十有九年公之族孫莊相見京師雅
善余它日以親命請銘其大父教諭君之墓墓莊之言曰吾
先世之書予嘗讀之吾之譜系予嘗考之先大父之事吾
父有識墓之文莊不致有所加也按舒氏自唐秘書郎守
謙始居越其孫承福從奉化承福元孫卞宋承節郎贈宣
義郎出岳武穆王幕中卞生徽通直郎贈承議郎陸文達
公稱其讓恭足以警傲惰之習粹和足以消鄙倍之氣生
子七人其第六子璘與朱文公及陸氏昆弟遊通判宜州

謚文靖楊文元公稱其孝友忠實道心融明隣生鉦鉦生脩戕郎泌泌生教諭君諱械字師文生宋嘉熙三年六月性溫厚持身端謹幼稟學家庭幼書者古結交老成既長博通經術尤長於書累試有司不中而講習益篤業成而宋之選舉終矣家有廣平書塾延名師訓其子期弗墜先緒君蚤喪父事其母以孝聞綜理家有法處昆弟無間言春秋祭祀執禮恭恪子女冠笄必遵儀式族人有貧而棄其先墓者輒出私財復之更立規約刻石示後元貞初部使者秋公桂按至郡秩祀先賢儒學且錄其後以君文靖曾孫薦為象山儒學教諭宋禮部尚書王公應

麟為詩送之既至橫經正席發明儒先要旨聽者悅服秩滿杜門閑居不復求仕進延祐六年知州馬侯稱德修學政起居為之師甫半載以耄辭明年九月九日薦先廟畢盡發所藏書整輯標志越三日得微疾猶讀書不輟

少焉而逝神色湛然享年八十有二娶連氏繼蔣桂氏子男五人勲點然熊度勳蚤卒點為從弟裸後然使其子求余銘者也女三人長適里中戴景良次適仇鑰李適朱洪孫男六人在陞莊塢臺均女一人適汪清曾孫男四人興寔復初詠沂女二人長適曹某君所著有尚書說約四書說略摠若干卷其墓在剡源鄉松溪里之原葬以卒

之年十二月庚申銘曰

軒冕金玉矜市見天爵之貴君所縻藏書名山世莫知光
輝夜騰滄海滑盤盤岡阜幽宅宜千載而下考銘詩

曾夫人何氏墓碣銘

鄉貢進士曾君堅叙其先太夫人之行屬其友危素銘其
墓叙曰夫人諱永年姓何氏其先國子祭酒龔州刺史某
徙守邵武家焉龔州 孫瓊仕周為尚書左僕射周亡子
屯田員外郎輝還南道南城之厚居樂而留止之宋置金
谿縣厚居隸金谿故今為金谿人宋有沙縣主簿國載景
陵尉弟隨州司理叅軍偉皆進士曰文節曰脩一皆再貢

於鄉曰宰曰損曰子淵曰一龍曰伯霖曰雷龍博學有名
以五經教授者曰沔曰綺曰蜚聲曰國玉其尤為鄉人所
推服者大何先生小何先生大何先生即貢士宰小何先
生則處士當世也文節者輝之元孫生當世當世生千載
千載生蜚聲蜚聲生國玉國玉生鑑鑑生雷龍夫人之父
也母同邑馮氏吉水宰興子之女有賢德夫人幼事祖母
章夫人章夫人蚤孀保其家於艱危之際夫人在侍動合
指意故慎擇所歸年廿有四始以歸曾氏連事夫人母吳
夫人父國子監進士正吉母黃夫人下四小姑而家甚貧
夫人安焉嘗歸寧而還章夫人與之銀釵及門既午無以

飯即脫市米它日四小姑以次適人夫人斥衣服簪珥得於母家者資遣之無靳色小姑之適張者以疾歸聲其貲療之不踰凡三年而卒適吳者孀以子女三人來歸日具餐不給恒為之饑姑沒撫育孤甥教而冠昏之黃夫人晚有風癘疾食彘則作時飲少酒夫人百方具它饌典衣糶糶為酒居恒蚤起親執賤役既老諸姊多尊以母禮其教訓保翼之者無親疎各盡其意及卒哭者皆失聲資性明慧子孫讀經史夫人傾耳注聽後輒能舉其詞醫經卜筮之說過目悉通夫子即世它日誨堅曰而父齋志無所成盍勉之汝曷不遠遊勿以吾為念自汨沒也至正二年堅

試春官下第而歸則又曰汝歸是也得失命爾夫人素多疾既瘳復作四年四月晦得疾五月卒得年六十有七夫子諱嚴知字務光私謚恭貞先生子男二人長堅也貞文書院山長次大年大女二人適歐復黃里孫男五人佚國子學生後四年卒偕仰儕佺曾孫男二人立奇卒之三年十二月晦葬南城縣鄉魚峯度素嘗拜夫人之先君子堅學行甚高與素友且三十年其後以女子歸佚堅之請有不得辭銘曰

噫嗟夫人式禮是遵作則家室克篤親親毅且以告魚峯之神後有千載斯銘不墮

宋鄉貢進士周先生墓碣銘

先生諱從周字文郁姓周氏其先諱瑤者唐末繇今撫州
寶應僧寺前徙南城縣小港莊藕塘里至先生曾大父布
家始盛大父昭父明夫母何氏夏氏先生何出也生於宋
寶慶三年十一月蚤嬰家事未遑學問年十有七乃刻志
師鄉先生張某宗人著作郎方工部尚書湯文清公為貴
溪象山書院山長先生從之遊陽公手批古文數百篇以
授卒以詞賦擅名淳祐六年舉於鄉建昌守翁公合方務
作新文體獨喜得先生為益友尋提點江西刑獄招先生
偕行提刑司私試命幙寔分較湯公皆不可因諉先生弟

其高下得數篇於廢卷中置首選翁公大喜叅知政事曾
公淵子在朝館留者八年尤相知先生好左丘明馬同遷
韓愈蘇軾氏之書為文典雅溫潤紆餘盡態不為鈎章棘
句而神奇臭腐精來自見蚤詩學於知南昌縣曾公原一
大宗正丞趙公崇喏而得其精微先生氣稟剛正德量寬
宏無宿怨無蓄怒嘗有德於人尋亦忘之負己者不以為
憾陵已者不以為忤久而其人愧恨無所容為人謀必盡
忠無餘蘊鄉鄰有爭論之以理無不聽服明於事幾多慮
而下人好謀而從善性不喜浮靡結廬取庇風雨凝鹿滿
席一不以桂意先生之學不端於記問訓詁而大綱大目

一見超詣證之身心見諸日用無往而不合不為詭異卓
絕之行曰道貴可繼中庸 爾也故厚倫急誼要皆以
誠實為本初與伯氏汝元仲氏汜有盛名咸淳二年伯氏
亦舉於鄉仲氏舉於轉運司當時尤以不第為先生惜宋
亡歸隱山中翰林侍讀學士程公夔卿及其弟學士承旨鉅
夫皆有意薦引先生以老辭儒學提舉黃公謙身首署為
盱江書院山長不就所居與淳安令曾公子良甚迓倡酬
問答無虛月客至必論前代典故諸老風流令予孫識之
曰恐吾後不能復知矣大德二年正月 以疾卒於家至
是得年七十有二明年十一月甲申葬於里之黃甘子男

四人士麒士麟士岳士鸞士鸞先八年女一人適鄉貢進
士黃炎薦孫男六人 壽同壽亦壽久壽永壽文壽曾孫
男十五人延桂延 延年延世延齡延忠延平延善延緝
延克延 延 延 延 孫男十六人先生既沒
五十有四年延克以士麒所述屬史官危素為文勒諸墓
碑素方成童以先太常府君之命出見鄉先生始出而謁
士麒士岳拜先生遺像於四溪書院藹然詩書之家惟先
生父子兄弟積厚而不及發天之所遺將在其後人耶銘
曰 積學於躬命之弗逢汚彼溪水其流靡窮黃甘之里
窹茲幽宮銘以闡之永懷高風

故承事郎汴梁路通許縣尹王公墓碣銘

公諱鼎字和卿姓王氏其先自唐時居汴曾大父顯金正
大八年北度至蔚州家焉大父大有父行簡以秘書監薦
入司天臺母羅氏段氏公段出也生於壬寅歲九月家占
軍籍公以褒衣殺冠出入隊伍主將異視之使之賦詩操
筆輒就請於朝得歸農於是益脩其業清勤謹飭而善譽
日章有司舉以充歲貢給事中辟為令史掾守端慤考滿
調高唐尉蒞事有治效再調樂壽遷將仕郎深澤主簿曹
州知事以親年高棄官歸養訓諸子以學隱居廿餘年當
道選為汴梁路通許縣尹兼管諸軍與魯勸農事公遂告

老矣延祐七年九月

朔卒得年七十有八娶于氏繼

張氏子男四人宏道司辰郎司天監教授宏偉采石批批
所大使宏鈞欽象大夫提點司天監事宏達汝寧府平準
行用庫副使孫男三人瑞司辰郎司天監管勾稽蚤卒理
天文生女五人元統元年十月癸酉葬於大都宛平縣西
午邨之西原葬後卅有一年宏鈞屬素為文刻諸墓碣公
素樹志節尚友古人所居澹然簡靜不樂紛麗燕閑獨處
事無妄動凡世之所爭趨者公則恬然自安平居多引先
哲格言開諭學者里巷之是非有弗能自直者輒求辨於
公折以片言莫不畏服以是稱為長者素始至京師即識

提點聞其守官謹飭而奏對切直又以知公之善教也銘曰

王氏之先世居大梁歷宋與金轉徙靡常維公祖考卜宅代郡

遠緒猶振公以才選州縣孔勞人進我止藏其善乃出宰通許仁政宜民水清蘄苦公有賢子如古義和侃侃正直立朝不阿克肖其賢繁公之教申情述哀老而弥孝鬱鬱松栢西午之原載德不朽刻詞墓門

故臨川處士饒君大可甫墓碣銘

余少則聞造郡城必見鄉先生吳仲谷氏登清潤堂因識其婿饒君久之君視余尤厚至元再紀元之二年與君別

後年君卒又八年君之門人李衡王晉以薦春官請銘其墓迺求其家世學行之詳於君之從弟某州儒學教授熙則狀君之行者信豐縣君妾君志淳也君諱泰來字大可世居撫之臨川曾大父景年大父鏜無子以族人神童釜之子人龍為之後實生君未冠而孤時內附未久先業蕩盡而獨存所藏書數千卷君日優游其間然於詩春秋尤致意焉鄉之先達若程文憲公徐公奇伯趙公孟蜚孫公輟咸禮重之蜀郡虞公汲校君所為經義書其後曰此事引證深得聖人書法謂所擬制誥它日當潤色皇猷吳文正公亦稱其淹貫四書深得經旨龔公孟夔跋其文稿曰根

著理道鑿鑿精實是數公者樂引重後進而慎許可觀其
言足以知君之學矣太史金華柳公貫提舉江西儒學部
使者河間張公榮爭欲致君於學校為諸生矜式皆辭不
就至順間吳公仲子京為郡教授以禮延聘乃行會吳公
就養知其學延致家塾君日親炙而所造益深延祐初科
目法行君即以春秋授一再試有司不偶乃歎曰命也遂
退隱不求聞達至是州里之學者日歸之君生至元十六
年四月卒之時至正三年七月丙子也享年六十有五其
文若干卷藏於家子男二人士立士益女二人長適李衡
次適鄭某孫女一人是年八月己未葬所居積善鄉葉方

之原嗚呼吾鄉文獻之傳號為尤盛近歲老成淪落殆盡
而君之沒且一紀矣可勝悼哉銘曰

士有不遇視其可傳有歸文冢饒君之所維德之樹維學
之顯紀述終古眎諸銘鐫

元故奉議大夫行宣政院經歷王公墓志銘

澄城縣主簿王訥奉其叔父理之命請余撰祠堂碑既成
又走雄之東鄙拜且言曰昔我先君歷仕三十年以直道
自信未及大用不幸以沒今十有八寒暑會里人以地來
廣其塋域乃先君之柩序葬焉元堂之銘願以屬於子余
因詢其言行之大概比事而書且為之銘公諱璋字君璋

世居華之蒲城今為義門王氏大父顯政父忠以公貴皇
贈承德郎鳳翔府判官母潘氏封恭人公生於至元十一年
六月幼穎悟能燭事理從鄉先生陝西提學劉公文郁讀
書通大義集賢學士蕭公與國子司業同心恕以行義表
儀閔中公能識其言論風旨伯父志器重之謀於昆弟資
遣赴京師御史臺以才治文書辟甘肅行省理問所令史
鞏昌帥府聞其能又辟之太師右丞相燕帖木兒為指揮
使乘怒欲罪一奏差公力爭之得免歷四川行省掾其在
陝西上官欲以私奪通事之已補者公爭之乃止在西
川播帥有民戶籍四川訟之久不能歸公曰此先朝所賜

以報功乃歸之播帥使人懷金為謝公方沃盥怒甚沃以
漿水其後平章囊家解聞之曰王掾廉士使積黃金至陝
西亦弗受已考滿授承務郎同知靜寧州事未行宣政院
奏授斷事官知事天台瀑布寺僧與福聖觀道士爭由公
往辨之議僧理屈入服其公雄之巴陽莊訟田不已院檄
公覈其事單騎攜一童齋糗糧以往至今人稱其廉進承
直郎資善庫提舉庫舊有宋諸帝神主畫像狼籍委塵玉
中公出奉錢作度以閣古甃柱之類玉者亦宋內府物上
官欲易之公堅拒不可董攻金之工造器皿有餘金銀衆
曰分其羨者罪何公力卻之會一今上皇帝即位罷廢教

總管府復行宣政院以公為經歷階奉議大夫未行沒於京師金城坊寓舍至元三年六月也公雖處散地朝政有不便者輒言之必行之而後已關陝大饑公日拜丞相馬首請振之又請乘時取人田宅者歸其所貸予本而復之子女之鬻為奴者放之後悉具詔條它日使至四川行者宴使者能優效陝人賈見声公泣下沾襟即移書省憲俾飢民鬻子女者縱之還家權臣惑上聽詔漢人毋乘馬若干事公以為非祖宗法數欲上書納諫曰大人非當言路況已頒詔天下殆非可以口舌爭也然終以是憂悶致疾云性儉素訥嘗從公宿驛舍見相守之華好者必

加以氈席夜投絳州驛張蠟燭數炬公令盡滅之而易以鐙詢自外至責館人設燭公曰所以不敢盡用者以遺子孫耳公處京師敦篤友誼遇死喪則必厚為賻祿然自守分潔故諸父諸兄共給久而不息公不樂躁覓耻近權勢燕帖木兒太師在相位問人曰往鞏昌帥掾王姓者今安在公聞之未嘗往見公嘗以父命讓封其祖父政府不能從及官五品不復請封曰非吾父志也公娶郭氏繼牟氏俱封恭人子男三人長訥也次諱辟鞏昌帥府奏差幼謚蚤卒女二人婿韋雷良孫男二人女四人墓在賢相鄉干栢原先塋之次其葬以至正十四年 月 銘曰

殺相之野義門歸子出公而仕搯行避子疾彼脂韋直如
矢子朝有乘政亟諫止子清白自持靡偏倚子正人云亡孰
礪砥子干柏之阡幽堂啟子伐石華原銘以侈子

鄧汝貞墓銘 有序

汝貞諱石姓鄧氏五代間其先有諱師郊者自番易卜居
今撫之金谿雲林山中宋既南度苗劉作亂詔民得立社
自保師郊之後承信郎雲與同里傅氏亦起兵久之它社
皆罷唯鄧傅兩社存旌曰忠義號其帥統領令世襲其職
至迪功郎時昇族益大元贈忠翊校尉南康路同知建昌
州事平字子茂生子希顏咸淳八年以詞賦貢禮部襲為

統領國朝平江南罷統領以希顏為巡檢已而并罷其社授
希顏麗水尉後以吉安路同知吉水州事致仕生子長曰
頤以門功為臨江路酒務提領娶危氏實生汝貞吉水君
之季弟思弼生子渙番卒無子吉水君憐之以季子謙為
之後又以汝貞為渙後泰定間汝貞嘗從予讀書山中余
既遠遊汝貞與同邑桂兢帥子姓居考槃別業潛玩經史
其志欲以節義自立訓故細碎非所好也為人孝友忠信
不務外飾留客常滿坐者莫談笑圍棊賦詩連日夕不倦
然而折人過發論驚人好為方博究醫家書其學有自得
者間遊京師諸公貴人一見即厚遇之翰林侍讀學士泰

不華公祕書監著作郎李公孝光今禮部郎中吳公當則
 尤相知者卜居教忠坊殊湫隘或勸以它徙汝貞曰吾爰
 是坊之名耳有說之曰君業其精第不可以得資謝干祿
 仕必用揣摩迎合之術而後可汝貞笑曰卿自用卿法雖
 萬鍾千駟以智計得之吾不為也戶部侍郎郝公病汝貞
 貞欣然曰郝公知我者當道有薦於太醫使者亦不屑就
 一旦慨然曰吾將歸雲林之下脩我先人之義社以脩寇亂
 人目之為狂生弗顧也及家未半歲賴亭盜起延及江南
 金谿陷汝貞之族兄誠字思誠率宗人復義社汝貞募兵得
 若干號太平義勇汝貞居太平里故云既戰於邑郭復敗

寇於何塘勉思誠無妄殺思誠然之至正十二年十月辛
 丑朔主簿賈住督戰急刻日首擊白沙最强汝貞適有疾或勉使
 者踰半寇各占便地為砦白沙最强汝貞適有疾或勉使
 母行汝貞怒罵曰誠若汝言賊終不殲滅矣乎吾為國死
 事命也數也復何卹乃祝曰今日之事幸毋與善人遇眾
 曰孰不欲善人遇而君獨反是汝貞曰不然吾求凶人而
 殲諸彼善人奚與焉庚戌以其眾深入奪寇所掘龜岡追
 奔二十里餘寇伏兵倉卒四起遂遇害它日賊市其尸迺
 購而葬諸白馬鄉曰樹原初進士興化路錄事葛君元哲
 昆弟宜春鄉貢進士黃君彥遊避亂館汝貞所嘗舉酒

屬之曰我將家子也先祖歸仕國朝祿逮三命吾尚可後
乎願必死是賊諸君弟為我作好傳爾既死葛君為傳黃
君為哀辭述其行者今國子助教曾君堅也汝貞從父漸
弟稟以書至京師請余銘墓嗚呼汝之^貞母余族祖姑余之
母偃師縣君又汝貞之族祖姑也追念疇昔為之隕涕貞
生至大四年閏月至是得年四十有二娶周氏子男一人
大興女一人適黃欽欽與稟能經紀其家汝貞嘗求^余會記
其安休堂未及為而遽銘其墓其可哀也夫銘曰
庸庸鄙夫有甲兵城郭恒怯遁逃負一君之託噫怖汝貞
無一命於朝慷慨赴難誓除氛祲凍雪陰風冤子歸只丹

心不確太史有紀

顏一初墓碣銘

元統元年春余友顏君一初得病嘔血遠近師友皆來視
之且徧求良醫其弟善慶兩割股肉和藥以進既瘡而復
作者二年矣乃以至元元年六月廿八日卒於家將葬其
友饒旭子初來屬余銘君之墓余謝曰安仁李仲公先生
君嘗踵門問學其文足以使君不朽非余之不佞所敢當
也其後子初兩至京師連余文則應之如初不幸先生去
世而子初亦溺死黃河而君之沒亦廿年終不可無述使
泯泯也則為叙而銘之按君諱善膺姓顏氏一初其字也

其先居隆興之進賢隆興今為隆興宋大觀三年有諱元者徙居撫之臨川長壽鄉之先塋高祖有文遷悅塘家業再裕生子三人長諱敏則君之曾祖也寶祐間嘗聘淳安令金谿曾氏子良授業焉曾氏亦稱其一門子弟忠厚俊秀自是以儒學名其家祖泰孫復徙桃華峯下之禮方父翔鳳母 氏君生元大得九年三月幼而天資敦敏稍介而通大父延名師以教之稍長應門頗已廢學一旦忽爾自奮曰古今賢哲亦人耳莫不由學而至况吾詩禮之門學其可廢乎自是委家事其弟頡志讀書且習為文辭早莫請業於從祖某旬日則就正於饒先生宗魯歷數歲又

復自欲曰聖訓有為己為人古今之學乃深味先儒敬者聖學所以成始成終之語坐卧之所編書之它日至郡城納謁孫先生轍吳先生定翁二公深愛重之予初復與君見李先生於安仁又見潯州路提管府經歷祝先生蕃則又皆竒其才而以為可進於道君於所居之西偏作高閣以藏書客至焚香淪茗其於世味泊如也君以大母年過八十母之年亦過六十作堂以尊奉焉鄉郡士君子知君之孝助為之喜為文歌頌美之君心術誠篤氣象雍容一介不以取諸人至於周貧濟乏則無所吝惜足臨倦入城府言必擇而後發於義當為者必盡其心力以故鄉里共

推敬焉其將沒也唯以弗克終養大母母為大恨嗚族長
友朋為之訓子戒子姓為之收書言訖奄然而逝君舉徐
氏子男二人女二人其墓在某鄉其原銘曰
子淵之學聖謂庶几不幸而夭終古之悲君學為已天亦
似之表石高冢嗚呼唏而

元故都昌陳先生墓志銘

嗚呼此都昌陳先生之墓臨川危素曰先王之制禮將以
扶持人心紀綱世教為天下后世慮遠矣周之所以興漢
之所以亡視禮何如耳生予千載之下遺經之未泯僅十
一於千百何其不幸歟學術既裂以苟簡為俗自非篤信

好古之士豈復講求於此哉素昔事吳文正公學禮得先
生禮記集說洎新安陳櫟氏所著禮記解以問吳公吳公
復書曰二陳君可謂善讀書者其說禮無可疵矣今一天
子嚮儒學素以非才從講官之後思薦先生求其著書置
諸延閣而先生沒矣先生之子師凱走書京師以門人王
元復之狀來請銘先生之墓素於先生有不得辭者按先
生諱濬字可大其先自南唐保大間遷都昌之南橋里中
散大夫某官輝生鄉貢進士縉紳之曾孫聞禮生大猷師
石洞饒氏以禮名家登開慶元年進士第終通直郎某官
先生大猷之子也則先生之學有自來矣先生不求仕獨

治經術於山林老而不厭豈非篤信好古之士哉郡守董公守以書幣迎先生為白鹿洞經師居二年然後歸以至正元年十一月己丑沒於家先生生於宋景定二年十月至是得年八十有二先生之母郭氏張氏娶沈氏繼劉氏子男三人師元師凱師幫師凱世其學於易象樂多所著述明年九月 癸先生雙桂之原銘曰有秩禮儀順天則協和人文俾弗忒羸政然滅經其國太山豪芒存簡冊先生隱居東漚澤鈞元發微疑義折八十春秋返幽宅刻銘茲阡久迺赫

曾秀才墓誌銘

曾氏遠有代序秀才諱蕃字伯蕃宋尚書戶部郎中直史館累贈太師密國公其十世祖也太常博士累贈太師魯國公易占九世祖也魯國公之子知衡州安仁縣宰中書舍人鞏親弟安仁七世孫鈺定居金谿朝議大夫贈少師秀才高祖也皇僉福建閩海道提刑按察司事奉議大夫致仕冲子曾祖也文柄大父也元默父也母樊氏娶徐氏秀才生延祐七年四月八歲祖父使從里人危素受學越九年讀書通大義頗學為詞章其平居色莊氣和恂恂謹飭厚重若成人者命之事不敢少懈故其大父加愛之從余廣信山中其姻家張氏亦愛之余在京師聞其能理

家事敬賓客而未嘗廢業謂可不墜其家乃以至正三年十一月以疾卒余適病日在告奪之加劇明年秋使還臨川欲哭之而史事嚴弗能往以十一月葬邑之某鄉某原其父以書抵豫章請為之銘其辭其悲願余家於曾氏篤契好者四世矣而秀才從余遊久非銘無以洩吾哀亦無以慰其親之志廼叙而銘之銘曰

曾氏逾江盛于南豐世以儒鳴開國君公英英蘭玉其始當復而獨隕傷珎銘山麓

沈秀才墓志銘

始素里中陸文安公新安朱文公同時並起而文安公之

高第弟子在四明者四人其一沈端憲公煥素致書大瀛海道士呂虛夷曰端憲公子郡人遺書當存能為未之甚幸至正三年秋君召以書介沈君師孟奉遺書來京師既繕寫而序志之於是師孟數相往來察其為人蓋謹厚簡默可進於學者明年春素以使事求史館遺書而師孟亦辭歸省其大父母父母且曰吾將待先生慈溪之上及至鄞則師孟舟次會稽死矣其弟魯善以狀來求為墓銘方是時呂君亦先師孟一月以死悲夫尚忍為之銘耶按狀師孟諱性善至治元年三月生髫鬣敏慧篤志於學弱冠能為舉子業居家孝敬愛族黨交譽之嘗曰昔之君子

往往遊以充其學藏深伏奧不幾陋乎其至京師實稟命於大父而後啟行 還至呂梁疾作卒之日三月壬子也得年卅有四父偲友母張氏大父壽翁娶方氏子男一人道心以又明年某月日葬於慈溪縣西嶼鄉梧桐灣之源悲夫尚忍為之銘耶銘曰
端憲書亡復行後嗟予之名同不朽我銘茲阡貽永久

宜興儲先生墓志銘

宜興儲先生既沒其子鄉貢進士惟賢請於吏部侍郎俾公書其事復以書抵京師屬素銘之惟吏部蚤擢進士為時名臣其文足以傳世矣何假於素之銘哉然向客金陵

託交惟賢有不可辭者吏部叙先生之事曰先生諱能謙字有大姓儲氏其先居潤之金壇其地曰莊城唐慕母潛有送儲十二歸莊城詩謂監察御史光羲也御史十三世孫鄴繇莊城徙宜興之戚林至先生十世矣今戚林之族聚百餘家散處旁近者又百餘家御史有詩名迄今子孫猶不失世業曾祖進之祖時昇宋承信郎監鎮江稅父文璧咸淳六年鄉貢進士宋末以八韻賦取士先生父行數十人爭勝一時及內附之後學校課試猶仍舊習先生屢試輒與首選延祐初設科目取士或勉先生為仕進計先生喟然歎曰誠不欲與後進爭名利願吾自有世業自

是大肆其力於詩而口未嘗及干祿事嘗即先廬之東築室一區襍植竹樹扁曰樗巢暇日散步田間勸勞耕者或遺之飲食先生幼學六經子史靡不窮極手自寫書不問寒暑尤好黃太史庭堅詩天未曙輒默誦百餘篇而後起其父喜曰吾世業賴是子可繼開門授徒從學者衆族人之質美者必善誘而陶成之性至孝母薛氏晚病臂累年夏勞如一日冬溫夏清飭妻子不敢暫去左右喪親哀毀盡禮葬發遵朱文公家禮族父某感其孝誠至闕疏圖以廣送葬之道鄉人化之有不作佛事者忌日時祭必前一月治事縞巾深衣哀泣終日先生天資剛毅若不可犯而

在親側必婉容愉色接賓友必盡歡治家甚嚴卑者有過督責無怒夫人蔣氏寬解之則曰君儂家女不聞易曰家人有嚴君耶乃課子孫讀書非家事不令須史廢學鄉人以貧乏疾病告者視其力之可及而食之藥之所著書有本論上下篇有楮錢論皆力詆釋氏之說其詩文號樗巢集若干卷先生於宋咸淳六年正月卒於元至正四年六月得年七十有四夫人先七月以卒子男四人長惟賢也方待試禮部而科目輟監察御史以著書立言薦之惟志惟仁惟德皆業儒女三人長適蔣立本先卒次適趙濟次適潘杲孫男十人抑 樸播揖撫拓掾播授女五人

曾孫男一人先生臨終戒諸孤曰吾生而不以才用世死必樹吾墓以樗使亦不材為世取可也以是年七月合葬於里之淡竹原先塋之側先生命也銘曰義興之墟有墳渠渠其植惟樗卷懷弗舒與天為徒後有徵者在其書

舒伯可墓志銘

君諱堯俞字伯可姓舒氏余銘象山教諭棧之墓所志通直郎贈承議郎散之五世孫也承議長子琬宋宣和七年紹興十六年與二弟同與鄉貢淳熙十一年特恩對策以直言迂世在次等官至通直郎差簽書威武軍節度判官

聽公事致仕轉奉議郎其在官嘗單騎深入蠻徼以片言釋其兵刃樓宣獻公志其墓承議生朝散郎洽君之曾祖也祖榮父煇母王氏君生以元至元十六年正月父教之甚嚴晝從外傳受業夕講習於家庭學博而不入於異端文工而不趨於淫靡與之處者如坐春風飲醇酎至論事曲直則明辨力諫而必歸於正不可少屈也鄉校聘為諸生師經其指授皆有可觀至順元年春感疾至於革問者以寬語解之君徐應曰脩身以俟夫壽不貳平日所守確不可拔矣訣別骨肉了無戚容乃以七月乙亥卒享年五十有六葬以元統二年九月娶蕭氏子男祥金元金

三女人竺與義竺江竺寧其婿也君之墓在奉化州鮎埼之原葬後十有三年祥金遊京師來請銘銘曰鮎埼之阡蔚彼喬木善人所藏過者必肅

故從仕郎襄陽路穀城縣尹彭君墓志銘

定海縣尹彭祖壽調官京師請余銘其父穀城之墓余昔讀書貴溪之山中彭君方為其縣主簿當是時今江南行其臺侍御史高昌同道公守信州政令然遇其屬不少假以辞色獨知君余固心異之後五年始識君於京師碩忍銘其墓耶按樂平知州汪宏玉狀君之行曰宋禮部尚書汝礪之弟汝方死王事其後徙樂平樂平之初祖務辰生

子棟兩中待補進士又三世養浩鄉稱長者養浩生元業登進士第任至通直郎通直生應瑞應瑞生天俊養浩外孫王君一謬倅龍興時薦諸朝授瑞之新昌尉再調撫之金谿主簿今贈承事郎饒州路安仁縣尹娶洪氏贈宜人君其次子也幼明敏有氣概聞先輩可師法者考德問業惟恐後宣慰使李公思行與君為懿親一見器重之及弱冠涉經史識時務稍試為郡吏繁劇立刺為權稅司會計旁及中務靡不集然恒鬱鬱不得志嘆曰是豈足以發身哉大德間遊京師會集賢大學士傅公立以理數之學被一上知君納即相契以其學授君未幾朝貴

人連署薦積以聞屬國家用黃金書佛經君被一旨董其事授武昌路儒學教授時安仁君康強既歸省改卜宅于里之天鏡喪安仁君服除復至京師吳興趙承旨孟頫清河元學士明善巴西鄧侍講文原交相延譽於縉紳間後以秀才說書於——天曆皇帝潛邸帝即位加恩於是有貴溪之命君廉潔自將慎法不阿高昌公猶疑而未信他日江淞行省檄君封商舶於温州往時犀珠錯落賄及僮吏君一皆禁止之然後高昌公知君真能廉者他邑事有弗直者亦以謗君貴溪之俗土人盤錯治文書號難治高昌公嘗問曰比有想爾邑土典至五十人何其多耶對曰寧

止五十當有五百爾高昌公大怒亟命君錄其姓名盡斥去之皆歛迹無敢犯君慈祥平恕有持訟牒至者一論以理使解去轉登仕佐郎善安庫副使未上太醫院辟為掾史秩滿於是有穀城之命積階從仕郎政化方行而以疾終至正二年三月也君性至孝父母有疾刲股肉和粥以進禱於天願減己筭並親壽遭喪一遵禮制家貧稱貸以奉襄事喪終哀痛如初暮年與人言及於親未嘗不泣下沾襟也伯氏以酒死君初亦善飲母戒之曰汝獨不念汝兄之死耶遂終身不近酒祖壽任保昌縣尹法當封以四其官君與夫人胡氏竟以讓其父母君識度曠達不計

有無自奉儉約而汲汲焉以愛人及物為先居京師三十年薪粟價高而能館致賓客有請必諾雖聞風及門握手如平生欢有急難必身往濟之至於解衣推食醫藥棺歛以待其無所歸者君皆先之名其堂曰惻隱廬陵龍先生仁夫為之記蓋君於書取其關於倫理者佩之終身間為詩有雜著一卷藏於家其生以咸淳五年 月至是得年七十有五胡氏後亦封宜人先君十有五年卒子男三人長祖壽也次彌壽國子學生福壽國子伴讀授長沙高 等輒檢女一人適常仁和潮州守元德之子孫男三人刻賓國賓天聖奴女四人曾孫男四人女三人以某年某月

某甲子葬州之河溪原銘曰

感慨急義 聞京師大邑之佐廉直無私出宰于穀煌煌 朱服惇鰥所依胡奪之速九蒼之山龍鳳之潭歸藏在新 琢銘幽巖

宋將仕郎呂君墓志銘

合魯君廼賢自越至京師致呂楨之辭於臨川危素曰先 將仕既卜葬於紹興之新昌縣仙桂鄉甘棠之原而墓未 有銘敢以為請素以不能辭合魯君曰不可吾之行楨以 為非得子之文是死余父也願方從事郡府不遑奔走以 請子誠哀其志宜毋卒讓素嘗為譜系學聞呂氏為越名

家蓋自其先出於幽州其考何而知者唐景城主壽壽生
滄州節度判官檢校右庶子充充生晉兵部侍郎琦琦生
子二人餘慶為宋尚書左丞端為右僕射門下侍郎贈司
空謚貞惠端生國子博士贈兵部尚書荀荀生諫議大夫
權御史中丞誨誨生四子其季知襲慶府由誠由誠生七
子長大理評事億和間避地徙居於越億生龍虎衛上將
軍殿前都指揮使集將仕君高祖也曾祖通朝散大夫夫
理寺丞東南大中大夫大司農卿父暉宣教即台州司理
叅軍母姚氏封人按將仕君諱侂字忠善生於咸淳七
年十一月幼而風神沈厚寡言笑不妄交遊喪其父水漿

不入口者三日哀毀

甚宗姍稱其孝訓諸子姓動以

軌度性好施

不使有餘財有以窮來歸者必衣食之

大德間越大饑周其里鄰多不可計旁郡之來者輒收養
之蓋藏既盡鬻器物服用以糴粟男女之全濟者卅有一
人歲稔召其親屬資以歸之或曰彼餓死溝壑者今生之
鉗其終身可役也君感然曰妨人以便已吾奚忍焉餘姚
葉雙者窶其來依君君養之至老死則葬之歲時必祭或
稱貸於君久則焚其券他日君則產益落而處之恬然未
始以為悔君處已以恭待人以誠未嘗及人之過與人言
如恐傷之望而知其為承平公子也至正元年五月

卒於家得年七十有一娶高唐劉氏子男五人長模也次
規 模孀女二人婿劉變鎮王种翁孫男六人必用必實
必政必器必成必萬女三人嗚呼自宋之南魯世家大族多
僑吳越今二百年日就漸盡可勝言哉而呂氏終宋世不
失祿食將仕君隱德至行可紀者若此誠非一日之積矣
高郵推官宇文君公諒又稱模謙恭修潔思繼其先則呂
氏之興將絲絲而未艾故列叙其家世而系以銘銘曰
繫昔太岳佐禹平水土虞夏之際受封於呂維師尚父卒
於營立血食廿世嗣承其休其休伊何允顯安次孰全厥
家趙王之義僕射弟昆克大其門繩繩趾美慶延孫子將

仕孔仁惠及鰥寡幽宮在斯後有興者

故從仕郎福州路提管府經歷李君墓志銘

君諱質字仲揆姓李氏其先諱神符者唐高祖之季父是
為襄邑恭王襄邑次子義範廣川郡公義範子暹襲爵刺
汾州暹生朝成紀令朝生儀潯陽丞儀生叢湖南觀察使
叢之弟三子真湖州錄事參軍真子宏義濟原尉絲濟原
而上居室墳墓在開封之祥符其後濟原揖邑金壇迺即
家焉濟原季子允允季子著著子偉守國子博士通判解
州仕至駕部贈其父虞部員外郎偉子休瑞金尉休子肅
肅仲子裡裡子宏父宏父子從先從先子棣棣仲子文卓

文卓子覺祕書省檢閱文字覺長子清子卿貢進士進士
子繼祖丹陽縣儒學教諭娶陳氏宋贈朝奉郎祕閣脩撰
東之曾孫修撰高宗時言國事殺身者也丹陽生君君既
世家濡染問學少有俊聲比壯東書遠遊聞見開廓學者
慕望而師尊之相與辨析微言綜覈衆理未嘗以色拒人
初祕書君築室一區榜曰依錄書院遠近翕然從之其後
策名有司者多其徒也歲久而室圯常州守單懷曹公
聘為郡諸生之師月 膳既三年而歸新作書院仍依
錄之名 在郡學歷陽喬君實領教事喬君者宋漕貢
士博通諸經明達而惠慈今沔陽府儒學教授毗陵陳君

顯曾猶未冠從之受學乃屬君為之主君亦時時警發如
喬君指所以期待顯曾者甚厚泰定四年君登進士第授
諸暨州判官遷邵武路總管府知事又遷福州路總管府
經歷蒞官廉慎人多稱之至元三年 月甲子卒於官屬
同年進士薩都刺君長閩海憲幕奔往哭之既視其橐無
贏貲則命有司致賻給驛又率僚友共其費戒隸卒四人
護其幼孤扶柩以歸以某年月甲子葬諸某鄉某原先塋
之旁君生至元二十八年某月娶費氏先卒今合葬繼某
氏子男二人某以異姓來繼文以澤為信州羅塘稅務官
女二人長適某人蚤世次適胡某君喪過常顯曾師友人

哭祭之顯曾遊京師既告於史臣書其曾大父死節事又
屬素銘君之墓嗟乎朋友道喪非一日矣若顯曾之於君
庶幾有始終者乃叙而銘之銘曰
金壇之西屹乎高岡濟原來居 克繁昌雖曰清門冠佩
相望來賓於王君有才藝曷不均宏卒徇其志鑽石載文
良友之誼

劉中立故妻張氏墓志

劉翬之母張氏既沒之廿有一年稟命於父來遊京師因
請銘其墓余曰嗟乎我族祖泰寧府君之外孫曾外祖元
孫婦也銘其可辭按張氏繇京兆徙番易宋初徙居金谿

有衣冠而仕者宋李丞相綱微時自閩道出其鄉知其不
凡遂館留之有樓壞而復脩蓋丞相所嘗寓云曾祖伯壽
國學上舍祖祥登仕郎父雲龍世以詩書相尚故府君以
吾姑歸焉吾姑訓其女尤脩家雖富而能勤儉且善女紅
年十有八歸於里中劉氏府君夫人方康強猶親送其行
祖姑姑皆受養堂上事之無違禮賓客過從為酒食以盡
其夫子之意鄰里之貧乏者輒周卹之常戒其子殖學以
自立生於元貞二年七月卒於泰定四年五月 得
年卅有二是年閏九月壬申葬於里之黃方峽其夫子名
文正字中立子男二人翬其長也次紳女一人適余鑑孫

男五人雅霸魯朝仰女三人銘曰

執德閨闈有善昌傳而我姻戚遠著其賢黃方之峽歸彼
高阡銘在貞石聿垂千年

鄭童子墓銘 有序

鄭君子美既隱居新安之山中喪其子祖澤以書至京師
俾志其葬其詞甚悲嗚呼子美善為古文可以使其子之
不朽願乃不遠數千里以銘為屬所以望於余者至矣按
鄭氏世居徽州歙縣家繡鄉曾祖安徽事郎徽州路歙縣
尹祖千齡承事郎徽州路休寧縣尹父王子美也母程氏
祖澤生而卓越風骨峻整目光射人寡言笑不好遊戲不

事容飾衣耻鮮美氣吞郡兒見者異之其在家庭事父母
獨異世俗子美之友徽泰萬戶珊竹侯稱之曰孝童云就
學甚嚴謹諸生觀感而興起嘗問其師王季溫曰蒙求故
事數十百條何孝行之事絕少耶從其鄉先生程君以文
甫學書每得程君書輒凝目注視久不以去手人莫測其故
已乃大悟書法自勝衣能跪拜出入起居不煩提教而動
合禮度以是極為人所愛及其夭也鄉鄰郡邑與子美遊
及識祖澤者皆來吊^哭蓋哀三日而歛權殯里之向果寺
卜地師山之旁以某年某月某甲子葬焉其生以再紀至
元三年正月沒以至正六年閏月某甲子銘曰昔我師入

徽降者李銓世達氏李毅將畔焉李木魯侯駐兵昱領生
之曾祖為民請命將軍解甲不屠其城鐘厥福澤在其雲
仍宜壽而矢匪覆而傾表以孝童維石孔貞

故管領隨路蒙古漢人軍民都總管府判官彭君

墓志銘

君諱承初字謙山姓彭氏其先自金陵徙居番易宋治平
二年有諱汝礪者擢進士第一為寶文閣待制知江州其
孫煥樂貴溪山水之美因家焉君曾大父良臣大父文瑱
父德源母徐氏君生至元十八年十二月七歲對客誦詩
書有禮若成人及長孝友而慕學深厚明敏恪守古道蚤

孤居喪有異行鄉人稱之天歷間携其子鑑遊京師受知
札刺爾國王國王世臣家賓客甚盛君嘗與王論孟子首
篇之首章王悅曰他人多以輟語媚我惟子言多規諫吾
其免於過矣王還鎮遼西欲與之偕君以母老固辭尋用
為管領隨路蒙古漢人軍民都總管府判官君拜命即還
留鑑於王所君母弟承祖學黃老言於里中龍虎山遇異
人授以禱雨暘斬鬼物之法制加真人之號君之還真人
強留之君曰弟為祠官有職守吾來時母命期月而返今
時已過母日夕望於門雖高爵厚祿不得在母側以樂母
心亦何為哉吾不可留矣君在京師時日將莫婦人醉馳

馬珠華墮而不及知君拾取追呼以還之婦跪問君名君不言而從君之僮稍言於人人益知君之謹其內行如此晚歲優游林壑祿利之念泊如也鄉鄰有爭者君善諭之皆為之悅服後至元間王為遼陽行者丞相數欲致君終不可強遂以鑑為大寧路惠州儒學正君好讀易常曰易簡而天下之理得矣蜀郡虞公集長沙歐陽公元豫章揭公侯斯在館閣皆為文章頌美之久之君有疾卻藥曰吾不可起矣死生命也所恨者為人子而不能終母養國王以國士待我我不能以國士報之此吾所恨戒其子善事太夫人教子孫立門戶母貽先人羞言終而卒至正四

年八月某甲子也得年六十有四娶黃氏子男四人鑰廣寧王府判官次鑑也後君一月卒鐸蚤卒銓女一人適洪昇孫男若干人女若干人六年九月丁酉葬君孝思鄉新進里後三年鑰來銘銘曰王侯之石彭氏居焉刻銘表行千載是傳

處士劉公墓志銘

公諱有定字晉元姓劉氏世為臨江人判三司磨勘司贈太保式仕於宋生尚書主客郎中贈太傅立之太傅生集賢院學士判南京留司御史臺贈太師隨國公啟中書舍人贈少師彭城公啟少師之孫知全州慶因始徙撫之金

谿全州生知吉州龜從師陸文安公公之高祖也曾祖孟博武岡縣主簿祖孝顯父美中皆世儒母祝氏公生於至元二十三年二月其父當國初科舉既廢退隱於田間嘗手編資治通鑑父子自為師友公襟懷寬裕敦篤無所矯飾雖田夫牧豎一以誠恪待之能言前史上下數千年事時時取其嘉言善行以訓人性至孝父有疾刲股肉和藥以進祝夫人中歲目盲公承養甚謹既沒竭力營葬國子學以公名賢之裔檄江西儒學提舉司禮為邑校賓師至正九年七月庚寅朔釋奠孔子廟夜宿族孫熙家無疾而卒享年六十有四子男自強孫男二人女一人以是年某月

某甲子葬某鄉某原自強以赴至京師且屬銘其墓我大父白鹿府君自邑徙居山中適相近聞公以文獻故家實世其業妻之以孝女公嘗開門授徒素年九歲府君命往受學家數罹憂患公經紀備盡其道隆昏嫻之義莫先焉素之宦遊於外數以書趣之使歸未及還而公沒矣嗚呼可勝悲哉銘曰

儲書滿家以墨為莊式畔式稱母底於荒昔宋盛時偉哉
兄弟為政本經聯翩而起復迂於撫家声孔揚公有隱德
闡焉弗章保身全歸幽宮在此勃然其興俟爾孫子

故金潭先生于君墓銘

有序

秦定間素讀書邑之森桂坊曾氏時于君致大方授學鄰巷而忘年與之交相得驩甚後卅餘年君書其所著彭蠡說寄京師未幾君之赴至其孤瑱等以吳君擴之狀來請銘墓上之碣按君諱廣致大其字也自七世祖志京始遷撫州金谿縣之金潭曾大父登大父蒙父應雷宋咸淳九年鄉貢進士母曾氏名儒淳安令子良之女君天資整敏受學於貢士公稍長博通書史慕唐李協律長吉李博士商隱所為詩而效之然務為雄奇險勁不苟同於衆延祐初設科目取士君年三十餘日取蔡沈氏書傳讀之因自奮曰顯親立身庶其此窮日夜勵志為舉子業既而屢試

有司不偶貢士公與曾夫人亦皆遺世終喪年已五十又自嘆曰夫學豈專以為利祿計哉乃益究前聖之微言於傳註多所異同去取矣君以其意與人論說而士方尚同以資進取友多非君君亦不為之動久之作尚書補傳又以為書言治道莫大於皇極而極不出乎中也願以非中作皇極說以其居之適于彭蠡禹貢東匯北會之文宜合為一彭蠡說之所以作也常言民之所以病者莫甚於賦役之不均作書論殿田均賦甚詳其詩文有廣成娛志若干卷木阜集若干卷著述未成者有周禮考定杜詩集說家藏書千餘卷啟者則手自補緝性疏直不嗜酒與

人言無隱情生以至元十年卒以至正八年十二月享年六十有六娶氏子男四人瑱其長也次瑒瑤琅女二長適鄉貢進士袁州路儒學正曾堅淳安公之曾孫次適余鼎明孫男六人鈺鎧鉞鈺鈞女二沒之明年正月葬於于里之東岡魯夫人墓次銘曰食祿而仕與時低昂著書傳世死而不忘有彙遺編木阜所藏要其始終亦有短長項山之陽鬱鬱東南保此銘碣文昭有文光

故何君國佐墓銘

臨江湖炳南述故何君國佐之行曰君諱敬聰國佐其子也其先宋宜都太守錄之曾孫滋為吉州軍事判官遂家

吉水之洞江滋之子保昇徙居新塗湖白洲保昇子紹生有異相反顧見耳人號為大耳翁以貴雄其鄉其第四子禹擢進士仕至殿中侍御史殿中之孫正臣亦擢進士仕至某官曾孫昌言紹聖四年進士第一累遷尚書工部侍郎兼太子詹事工部三世繼隆又遷玉澗之合陂君其曾孫也君之祖斯才父濟美母氏宋咸淳年 月其生之時少謹愿端直簡默自持及長事親以孝聞交朋友以信著臨事不迫待下以寬與人言必本於忠厚困賈者必思以濟之鄰有喪疾必思匡救之其居家內外禮法斬斬聘儒先生督諸孫力學聞取家譜示之勉以母漬家聲貽

前人羞至正三年六月 朔終於家得年七十娶 氏
子男二人雲從祥雲孫男四人以庸以遜以理以文後於
陳氏女四人曾孫男二人忠郎天與女三人明年正月葬
于里 城頭之戴原後八年以庸來京師請銘其墓銘曰
何氏之盛犀於南朝三徙玉澗宜都之苗澤被斯民仕者
行志我脩于鄉亦施其惠伉伉孫子遺教不忘尚復其始
視此銘章

故將仕郎淖州路總管府知事趙府君墓銘有序
余繼室趙氏數泣而言曰子以文章銘述功德而先君子
之沒未有以志諸幽者子宜為之其弟文中自臨江來京

師奉其父行狀至乃為之叙次按府君諱嗣椿一諱宏道
字良夫姓趙氏宋魏悼王廷美生八子其二則賴川郡安
簡王德彞府君其十一世孫也高大父彥紘曾大父坦夫
大父時瓌始徙居臨江父若江母聶氏府君生於至元十
四年四月少務學通吏事延佑元年客贛州時列郡歲貢
士一人郡守以府君克貢江西部使者移檄海北憲司補
為掌書府君之父嘗手書戒感以謹守府君尊敬奉持不
敢忘從使者巡行部內者凡七次正辭毅色無敢撓以私
僑居海康茅屋數椽而已時經歷蜀郡劉公宗說照磨范
公棹咸器重之考滿調建康路錄事司判官丁外艱不及

赴泰定二年調將仕郎淖州路提管府知事名其署曰衡
平范公為之記作濟州橋以便行者民之爭財久而未決
者輒諭止之他日部使者至府君抗辨不少屈卒誣失
官及行遞留者數千人歸休田里將終身為御史臺議府
君無罪改肇慶路四會縣森峒寨巡檢會餽餼廣西遇盜
於橫州之境盡掠所運而去因罄其貲以償至正三年調
新州新昌縣羅苛寨父老多從山谷中來見曰巡檢故家
宜能撫吾民先是假民居為官署府君乃度地為之規制
粗定明年瘴癘大作死者相望府君以七月辛丑卒文中
護喪以還九年九月甲申葬諸南門外昭岡之原祔伯父

兆次府君之弟嗣模出贅鄧氏疾病府君竭力救療卒則
厚為衣衾棺槨葬焉其友愛多類此府君娶同郡熊氏海
康文氏子男二人文中文正女三人長適應奉翰林宇文
字文林郎同知制誥兼國史院編修官危素次適同
郡譚某幼留新昌孫男一人府君雅嗜仙釋之說故又號
為一中子云銘曰開國秦魏今為清門卓犖府君出任於
元載輕載軒孰與之接昭岡之原銘石永存

劉桂翁先生墓志銘

吉水劉桂翁先生既卒葬于其州仁壽鄉東槎灘之原山
其孫理以父命走京師謁太常博士臨川危素使為之銘

惟先世有同年之好素嘗以事至廬陵拜先生牀下有不
敢辭按先生諱詵桂翁其字也劉氏系出漢長沙定王子
孫散居江西南唐保大間有諱滔者自臨江蒞斜徙吉水
之南領者傳六世而益大遷里之北阮先生曾大父散宋
國學士舍生與里中楊文節公尤相好大父銓丞相文信
公運使鍾公蜚英為知己父仁榮從政郎岳州平陽縣尉
初平陽公與弟化龍從子元方將應試有司父疾病若有
告者曰無苦行見一月三捷矣於是三人皆舉於鄉如所
告者母李氏先生生成淳四年八月始生父夢晉左丞郊
廣^基桂林一枝之語故名七歲而孤九歲而宋亡崎嶇兵間

太夫人教以經史寢食不廢間閱家譜得集賢院學士啟
中書舍人攷為宗家聞人即奮志自立穎悟不凡十二能
賦論居喪母盡禮為童子師有持異書詰其所難知者先
生偶得其書一夕而盡其義明日以語或人媿謝去舅氏
某名進士暨其宗長官講應華閣門舍人珏咸器重之先
輩趙文彭元遜晏宗鎬果^梁節文幼玉皆知名士優游鄉校
雖科舉已廢猶以其文教學者先生學益芳名益起為詩
以謁太學博士劉公辰翁劉公稱之禮部郎官鄧公光薦
見其詩賦而驚異為之序引尋其命子受學復列薦名
士五人於儒學提舉蕭公泰登先生辭不試後提舉蕭公

禹道聘處鄉校始居郡城曾幹辦先之楊縣尉如圭皆忘
年定交文公之子集賢直學士陞將薦於朝會科舉制行
先生年五十矣一試有司不合曰命也乃一意為文章出
入經史百氏自成一家追古作者學者千里裹糧而至多
所成名翰林待制柳公貫奎章閣侍書學士虞公集翰林
待講學士揭公傒斯翰林學士承旨歐陽公元尤相知雅
重虞揭兩公至郡過從論文累日既別屢書往復先生嚴
事諸父推讓產業莫知其貧上有三兄伯兄子孫幼孤教
育成就仲兄寡合困於時曲盡友愛無間言歲數還里中
謹事先墓族姻子弟才墳可教必誘掖獎進坐客常滿不

厭不倦莫不得其歡心至義有不可殺色正言人莫能犯
嘗言於官府復司戶聽詩人堂於鄉校曰此唐杜叅軍祠
可泯滅於僧寺乎吾非以為名也歸婦氏墳廬奪於豪卒
者曰彼弱不自立吾非以為利也釋詎指逋負后妃親王
家錢者數十人曰長此安窮無厭將及我非以為德也先
生我冠大帶從容閭巷數十年凡夫稚子皆知起敬名公
卿大夫聞其高風莫不聳動然先生未始出其所以長以自
嚮也至正十年九月以疾卒臨終戒子孫無墜家學無作
佛事娶 氏有賢行先廿年卒子男三人長立教先五年
卒次尚文蚤夭季應麟使理來求銘者也女四人季以孫

夏昶彭鏗蕭泰端其婿也孫男七人觀先卒次理也次瑜
琮璉琳璋女八人曾孫男寄奴聞所著桂隱集若干卷傳
於世銘曰定王之裔著於臨江集賢中書浩博無雙別宗
祖遷盛於吉水先蚤孤遭時之厄力學成名葆其幽貞天
錫眉壽鄉有儀型槎灘之原是謂文冢考德斯銘過者必
聳

元故資善大夫福建道宣尉使都元帥古速魯公
墓志銘

大中大夫杭州路達魯華赤古速魯觀驢既拜一命闕下
將行屬史館危素銘其先君宣尉公之墓素與觀驢定交

金陵幾十五年其蒞官清敏心竊敬之故於其請不容苟
讓按公外孫端本堂正字僕伯僚遜所述公事狀公諱達
里麻吉而的世為回紇人曾大父耶爾脫忽璘事我太祖
皇帝為雅刺風赤佩金符管領回紇甲匠大父雍吉脫忽
璘蚤世父脫烈一世祖皇帝求賢四方高昌王以脫烈應
詔既見一上奏對稱一旨以為一御位下怯里馬赤備
宿衛尋擢嘉議大夫功德使領一帝師堂下兼奏吐蕃事
丞相桑葛微時嘗依功德使後燭其儉衷絕不與通桑葛
憾之已而桑葛驟見信用且嫉其能出已上即搆誣以罪
下獄鞠之三年卒無左驗乃詐以獄成報一上功德使遂

遭禍沒其貲公時年十有八桑葛疑貲入未盡逮繫公刑部一日丞相安童獨臨問公公對曰必見一上乃可白吾父資財所入誠未盡然不敢先以告相國也桑葛頗聞其語亦私詰之公曰吾父始被誣即傾家奉公覲得免禍今殺我以滅口可也桑葛慚而釋之公奔閩中依左丞廉卜魯凱牙公桑葛猶欲害之以一上命急召公至則桑葛已得罪下獄矣御史大夫只爾合郎以公入見一上知功德使寃命公與諸大臣共按之桑葛不敢仰視唯叩首而已時桑葛久在獄不得食公奏曰桑葛餓且死萬一獄未上則姦臣雖誅而罪狀不白宜界食以緩其死一上然之桑

葛既誅之明年授公奉議大夫功德副使承詔扞祀海嶽所過守臣以幣交不受丞相合刺合孫行省湖廣聞而薦之朝行宣政院使脫脫恣縱不法有愬於上者遣公按之得其罪狀後以不阿迂時宰意不調者十年大德八年改奉政大夫祕書少監命齎鈔五百萬緡賜領北站戶勞徠撫綏遠人德之使還擢朝列大夫江陰州達魯華赤歲大侵公亟發廩以賑飢者衆請白行省公曰俟者報必涉旬民命危在旦夕先發後聞可也得罪則盡室以償不以累諸君卒發之所活殆萬人仁宗皇帝在東宮遣使召見欲任以近地公辭曰密邇清朝微臣至願苟得自效於外郡撫

安黎毗如在殿下前也——仁宗善其言進太中大夫常州路達魯華赤既赴官夜穢舟建康之龍灣盜劫其裝有司獲十有四人急訊治之有瘦死者監察御史使移公讞之公察其寃潛命掩捕真盜八人於江上賊驗具出而十四人者得生歲早齋戒走七十里禱雨龍祠有雲氣出湫中還至中道甘雨大至——仁宗即位復召見將用之又力乞補外進嘉議大夫饒州路達魯華赤值水災振民如江陰——詔經理田賦行省檄公與廣德守侯文質公共治之事先集而不擾歲賦黃金絲纊下吏竝緣厲民公立法以防其姦饒民頌焉遷通議大夫寧國路達魯華赤未上復

召見命中書參議欽察傳旨若曰昔朕烈以才德事——世祖服勞居多死於寃獄亦既昭雪——先帝閱其遺——還其貲財其子廉慎有為朕甚嘉之其以為大都護進資善大夫逾年遷山東道宣尉使泰定四年改福建道宣尉使都元帥——命下而公有疾即治瘵冒毒瘴以行至閩歲餘疾復作乃致其事以歸卒於建寧之旅邸天曆二年六月也距其生至元五年五月春秋六十有二至正五年五月丙申殯於常州武進縣懷德鄉——公母諱阿里合赤贈中書右丞相蒙速思公之女封順邑郡夫人娶廉氏左丞公之女封順邑郡夫人子男三人長丑閏始讓公之蔭

於觀驢宿衛四朝既積勞得補官今為奉訓大夫泗州達魯華赤次即觀驢季普壽又以觀驢讓大父之廕今為泗州盱眙縣丞女五人長適延祐二年進士戶部尚書僕哲萬次適一御位下舍里別赤寅山次適玉田縣達魯華赤壯牛餘皆未嫁而卒孫男十人介壽景初善惠六十八久安斗奴餘未名曾孫男女各一人銘曰回紇有國肇自古昔稽其廢興紀載周悉東丹既債苟存餘生始倚為命終肆馮陵惟我——太祖奮居朔土率先來朝不煩師旅時公曾祖實領函人建功德使為帝近臣權姦妨政卒死讒口白日當空陰霾斯剖公負才德——仁廟灼知數典名郡江

海之涯力求外補憂深思遠澤不均宏道未光顯公有令子繫後之昌行治可徵萬世斯長武進之阡公墓所在伐石太湖篆銘勿壞

王仲善墓志銘

友人黃昇殷士書其亡友王君之事來京師以告素曰斯人之大父以文學行於鄉人皆謂忠厚之報宜在其子孫不惟不及用且不得年以死此吾黨之士為之悼歎於是平生知舊無遠遁合金治葵其門人曾熙買石刻銘子宜為文使之不朽元統間素肄業何仙舟讀書山中君嘗過而留止信宿論議有契於心孰謂別去未十五年而君竟

逝嗚呼悲哉君諱企字仲善姓王氏其先系出太原有家
于撫之金谿者莫知其所從徙至君十有三世矣曾太父
某大父某父某母某氏君生大德八年 月少與群兒從
師鄉校獨不好弄稍長讀春秋下筆為經義已能出其儕
輩嘗試有司不中君曰國家設科目取士士之欲仕者何
可外是而他求然謂此可以足吾之學亦非也古之人言
足以達其道行足以明其言使天下知其志之所存而不
窮於後世者吾竊慕其人焉若夫科名之利不利者時也
吾何可必乎於是盡取六經日誦夜書數年遂通其旨諸
史百氏之書靡不研究志欲作為文章以考辨古今人物

得失國家事為成敗以為不有以合乎今必有以信乎後
也里中曾恭貞先生番易李先生存上饒祝先生蕃豫章
楊先生鑑皆當世道德君子君無不學于其門者性和易
待物坦然朋友急難赴之若已事苟有不善盡言規諫雖
怨怒弗顧也然君亦喜聞過能受直言人有所長亟加獎
勵惟恐其不入於善以故後進多樂從之其友有客死者
君為棺歛護喪歸葬且經紀其家教其子為儒業嘗與身
謀取呂氏鄉約率一鄉之士行之惜夫有志未就而卒卒
之時至正十年二月 也得年四十有七娶徐氏生子
男一人女二人君之娶也其婦翁以得君為甥且無子將

盡以其貲畀君君卒無所受平生無所玩好唯畜書數百
卷手鈔兩漢文類若干卷唐書脩要若干卷唐人詩若
干卷以某年某月某甲子葬某鄉某原銘曰
學之頹而志弗卑行之醇而氣甚夷有蘊莫施我安其時
陵谷可移種銘在斯

故天臨路醫學教授嚴君墓銘

有序

余讀孫邈千金翼方首戒醫師之處心積慮要必亡愧其
言而後可以通其學焉若嚴君仁安其卓然自立者欤始
君與素交曰吾他日不朽之託其在於子至正八年五月
己酉君卒於家素恐負君之言致書其孤擇取事狀後六

年擇以君之長子梧及子婿傅路之狀來請銘按君諱壽
逸仁安其字也其先建昌之新城十四府君徙郡城之西
府君生惟政惟政生人傑宋南城縣學諭是為君之曾祖
祖沂父鳳翔母甯氏君生至元十五年九月幼穎敏始入
學即能屬對十字長者異之國朝設醫學充弟子員者復
之君以儒家子在選中學官廬陵曾某昭先授以內經同
輩無能領悟君獨貫穿會其指趣暨長以能醫稱於鄉遂
以選為南豐州醫學正北遊京師楚國程文憲公君鄉貴
人分之往見臨川吳文正公於成均吳公勉之益治其業
河間劉完素守真考城張從正子和以醫鳴于金江南未

有聞其說者君購得其書一按以法上祖張機下宗二子博觀約取條理斯析乃自著書以發其蘊根據議論悉證諸古有醫學啟蒙仲景論評若干卷吳公是為之序永康胡公長孺教授其鄉與論運氣之旨補益尤多他日吳公得疾朝食莫不食醫莫辨其症君視之曰血枯疾也投以七劑隨愈吳公喜稱於人曰嚴某果不負吾言於是京師之人無貴賤貧富聞君名者凡有疾無不迎候與藥輒效然禮貌衰遽拂袖去調安厝路醫學教授首謁其師曾君墓下增植丘木經紀其家學舍逼廬陵縣獄請於監察御史之巡行者而遷之再調臨江新祭器建齋廬築官舍作

石橋新淦民某氏以豪縱敗厚賂有司欲以詐疾免召君驗視使人啗以利曰少徇意厚報猶未晚也君佯諾及視正色曰詐也罪可逭乎某竟就逮晚調天臨路宣尉副使楊公宗瑞居其邦尤愛重之臨江杜徵君本上饒祝先生蕃與君論有契祝先生遣其子文中就學焉君自以親師取友皆縉紳碩士習於見聞而多所講貫尤善於詩有擬陶等集若干卷豫章揭文安公嘗序其首君天性耿介雖其訐責人過少不能容至其剛直不阿君子所難云君娶呂氏先十有七年卒子男四人梧桐樗奕生樗臨清縣儒學教諭女三人同郡黃觀用傅路金谿王成孫男三人炳

燁燦女 人卒之年六月癸酉葬南賊縣太平鄉古唐原
銘曰道術既裂非一科內經相傳起札瘥史遷筆削稱扁
和劉張逝矣師說謠尊宗列派相詆訶紛紛謗學徒媿阿
天殤枕籍何其多仁安積學精研摩著書並言欲蘇沉痾
屹若砥柱當風波堂堂直氣死不靡我述遺行銘堦峨



